

UBWINA KRISTU UKULWISHANYA

NOKUPEPA UTULUBI



Ici cenu. Aka kantu akanono ka Mayo. Peleni ici kuli . . . ? . . .
Kabili mufibike kabili nomba aka kanono . . . ? . . .

Natotela, Munyina Neville, Shikulu akupaale.

Mwashibukeni, mwe fibusa. Lishuko ukubwelela mwi hema nakabili muno lucelo, ukumfwa bwino kabili ubusuma. Ubushiku bwa masoshi Nalefilwafye nokulanda. Nalikwata aka kashishi akanono akaleshingulukamo, namwishiba, kalengila mumikolomino shabo nokushilenga ukukoma, lelo Shikulu alingafwilishe no kunkakula ukufuma kuli ilye mibebe pa kutila Ningalanda muno lucelo kuli imwe.

² Kabili tuli abansansa ukutula kuli ihema ilisuma ilyaisulamo abantu abali abaiminina. Ndekabilafye nga twalikwete ifipuna fimo, nokupela kuli balya abantu abeminine. Ifwe kuti twaba abansansa nga twalifikwete, lelo Ndetontonkanya fyonse na fisendwa. Ninjishiba teti mufwaye ukwisa ikala naba abana kucintamba kabili ukullosha inuma kunshila imbi.

³ Nomba, caba panshiku ishinono isho Nalebelenga pe lyashi lya kale, kabili Nacitontonkanya limbi muno lucelo mucifulo ca kushimikila kuti Nasambilishafye pakashita akanono pa Cebo cakwa Lesa. Kabili nomba ifwe limbi twalacelwako panono, eico Nala . . . bamo pali imwe kuti mwacinjanya nabo abeminineko, nangu icintu cimo, kuti cabafye bwino mucine nga kuti mwa—mwacicita nokubapela ukutushako panono.

⁴ Kabili nomba abengi pafibusa, ifya fibusa fyandi filesa, bamo muli bena ukufuma ukutali nganshi, kulyafye ku Georgia, mulya mu Ohio, Tennessee, incende fye ishapusana pusana, Illinois, Missouri, Michigan, bena balesa ukufuma ku Chicago, ukufumafye mukulongana kumo ukunono ukwe hema ngefi. Cilanenga ine ukutasha nganshi pa bantu nga filya. Kabili teicofye ceka, lelo Ndefwaya ukusose ci, te mukutemwa kwa . . . lelo mukuseksha kwa Cebo cakwa Lesa: mupepifye na bonse pali balya abantu tabesafye lelo balaleta nefye kumi fyabo pamo nabena mukucibika muchalichi kubwafwilisho.

⁵ Nomba, balya fibusafye ifyaba ifyakutungilila. Tetifye ulabe abantu ababa ifyo.

⁶ Elyo kabili inshita shimo limbi Ningile ukusosa icintu cimo icibaputaula mutupimfya, lelo mulemona ifyo cilepilibula lyena. Mu mutima wenu tamulefwaya ukucicita, lelo nomba kuliko

Icintu cimo ico cisosa, “Iwe . . . cilingile ukucitwa,” mwamona, eico mulingile ukucicita.

⁷ Kabili ukubamona bena ukwisa ukufuma kuneende shonse kabili—kabili ukweshisa ukubombela Shikulu, no kucetekela muli bukapyunga ubo Shikulu ampela kabili ukuncetekela ukuba umubomfi Wakwe ukutila teti Mbebe icintu nangu cimo icalubana, kabili nomupwilapo wa bufuma cumi Ningile mucine ukucita fyonse ifyo Naishiba ukucita uku—ukucema imyeo ya balya bantu; ukwishiba ukutila tabaleisafye kuno mukumonwa, ukwensha ukupita mumpili shampepo ne fyulu, kabili ukupita mumisebo umwafula imyotoka, kabili abana babo ukukana lya nokulala, kabili sutikesi yabo iyabikwa kunuma ya motoka. Kabili, namwishiba, cilya cintu cakosa.

⁸ Lelo Baibele isosa ukutila abantu ba musango ulya, mulya mwi Buuku lya ba Hebere, icipandwa ca 11, “Ne calo tacili icalinga abantu bamusango ulya.” Nde—Ndesosa cilya pantu Ndecipilibula mu mutima wandi.

⁹ Kabili abengi bali muno mu New Albany na Louisville, kabili ukushinguluka mupepi, mulya mu Kentucky, kabili incende isha pusana pusana ishishili ukutali sana, lelo nombamba bena bacumfwila ku kwisa, ukwensha ukupita mumenshi, amenshi makasa, icintu cimbi icashala, ukwisa kuno.

¹⁰ Nomba, u Mulungu uuleisa bushiku bwakutangilila Christmas. Kabili Natontonkenye ukutila Nali . . . nalikwete imbila iya Ciminshiminshi ku chalichi, lelo Na—Nalikwete ukumfwa kwa musango filya pali balya abana banono, Ningile ukusosa nga bena . . . nga kuti Naba kuno, lyena filya ifibusa ifinono kuti limbi, abengi pali bena ukutali sana, kuti bapusa Ciminshiminshi yabo nefintu. Eico kuti caba nge cakosako kuli filya ifibusa ifinono. Lelo ilyo nshilaya . . . Nomba, ifwe . . .

¹¹ Nalishiba ukutila ifwe fwebantu muno tatufunda abana besu pacamusango filya icabufi nga Santa Claus. Tatwacetekela mukweba umuntu uuli onse ubufi, eico tamuli nokubepa ku bana benu. Ifintu filya ifyamusango ulya, filya fishilano pa kapeleko, ku camusango ifyo icintu ngo kusenda incende yakwa Kristu pa Ciminshiminshi.

¹² Kabili i Ciminshiminshi yalilufya . . . Ciminshiminshi calileka ukuba ukupepa; cena kusefya, ukunwa, ukuteya injuka, ukunwa ubwalwa nokuipakisha, icabusenshifye pa kapeleko. Kabili tacaba . . . Kabili Nalefwaya uku . . . Nalimo panuma ya Ciminshiminshi Nkalanda nakabili pa *Ciminshiminshi*, mwamona, pakutila cikapusula abanono . . . Lelo teti ulande ico kubana abanono ngefyo. Balamona abaice banabo pa Ciminshiminshi ubushiku balepoka ifyabupe fyapa Ciminshiminshi nefintu fyapala ifyo, bena tabacikutuluka ico. Mwamona? Benafye . . . bacepesha. Kabili tulingile ukubebukisha, ukutila bena bali . . . ukutila balikwata ifintu

fimo ifypalana. Tufwile ukuleta fwebene panshi ku kwibukisha balya abanensu abaice, ukutila bena palwabo. . .

¹³ Bushe Nde—ndebilikisha pali ico, bushe ndeumfwika sana pali ico? Bushe mulengumfwa kunuma sana uko, kunuma sana? Huh? Loleleni, Ninjiminina mupepi nganshi. Cakulandilamo nshi cilebomba, fyonse fibili, ici apa neci apa? Nde—Ndetontokanya nicilya palya ecili bwino. Ico—ico. . . Nomba, caba shani ico, caumfwika bwino? Nomba Cawama, cisuma.

¹⁴ Nomba, abana banono balingile ukukutuluka. Namwishiba, bena—bena bana abanono, kabili tulingile ukwibukisha ifwe twali abana abanono panshita imo, pamo.

¹⁵ Kabili Ndeibukisha ilyo twali abaice abanono, balefuma nokuya tema icimuti ca kedali icakale kucifulo cimo, kabili ba mayo baleposhapo amataba yamo nokuya kakila ukushingulusha cena. Ifyo nalimo efyalebakofye ku cimuti cilya. Lelo shilya ishinono, insokoshi shakale ishatulika shalekobamafye pamulu palya kwati. . . Kabili, oh, kabili limbi balesenda i. . . limbi isaka limo iya switi, na tulya utwakosa utunono tu switi, (na tubili nangu tutatu kuli ine, kabili tubili nangu tutatu kuli Humpy, kabili tubili nangu tutatu kuli *wyu*), utupimfyafye utunono utwa switi, kabili twalesunga tulya ubushiku bonse, ukulafyompakofye kuli tulya, namwishiba. Nokupomba mukapimfya ke pepala linono nokukabika muma tumba yesu. Kabili nga natukwata akafuti kakwangasha akakale, nangu—nangu akalipenga akanono akakulisha, caleba cintu icisuma, caletusekesha ifwe.

¹⁶ Ileelo, mucine, cena nacipusanako. Abantu ababusu balikwata indalama ishinono kabili cili pakutila bengashitila abana babo ifintu na fimbi, bena balafwala bwino, ukulya bwino, ukwikala bwino. Kabili konse—konse ukushinguluka, Nde elenganya balibako bwino, kabili pesamba yabantu apo bafolela ileelo. Kabili eico kanshi, abana banono, mulingile ukubaleka ukukwata icintu cimo.

¹⁷ Lelo lyonse beni abashininkisha pali ici, mulebeba takwaba icintu ica musango filya nga Santa Claus, pantu cena tacaba icalungama. Bumo pali ishi nshiku bakenda no kusosa ukutila, “Nga pali Yesu, kanshi?” Mwamona? Mwamona? Eico bebeni bena Icine, beni aba cishinka no muntu onse. Beni Icine. Kabili, maka-maka, imwe teti mwebe abana benu icintu cimo icalubana, pantu bena kuti baima no kusosa. . . Balicetekela muli imwe nga abena Kristu, kabili balefwaya imwe uku. . . Bacetekela ukutila efyo wabeba e Cishinka. Eico beni abashininkisha mulebeba Icine, lyena cili no kufuma fye bwino.

¹⁸ Nomba, elyo kabili Ndefwaya ukukwata inshita imo na imbi iya bushiku nga kuti Nacita, nangu ubushiku, kwi hema, lintu

Nshilafuma pa myaka yandi iileisa iyakubomba . . . umwaka wa kubomba, ntile.

¹⁹ Kabili nga cili nokuba ubufwayo bwakwa Lesa, Ndefwaya ukwasha ukukwata ukulongana ukwingi ukwa kufyalo fyakunse uno mwaka, pantu Ndeumfwa ukukabila kwa cilya. Maka maka mu Switz- . . . mu Sweden na Norway, nefingi pa fyalo fyamu Scandinavia—Scandinavia, kabili ukubwelela mu Asia. Ndeumfwa ukutila ifwe tulekabila nganshi ukuba mu mapepo pali ifi fintu, pakutila twinga sambilila inshila ya Mupashi wa Mushilo kabili umusango uo Ena enga tutungulwilamo, kabili ne fintu ifyo twingakabila ukucita.

²⁰ Mukubelenga ilyashi lya kale ilyakubalilapo ilya chalichi, ba Broadbent na Hazeltine, nefingi ifyakulandapo fyabo pali cena, *Ba Shifwe bamu Nicene*. . . Kabili mailo nalifye uwapamfiwa nobwikashi ubwapwililika ubwa Washila Martin ukutila ichalichi ca Katolika cakene ukumupanga uwashila; Lesa alicitile cilya. Eico bena . . . pa bumi bwakwe ubukalamba, kabili ifya kutila ifishibilo fimo fine ne fipapwa fyakonkele ulya muntu ukupita fye mu bumi bwakwe; ifyo aimishe abantu babili abafwa, ukutamfiwa imipashi iya kowela, ukulandila mu ndimi ishishaishibikwa, no kumona ifimonwa ne fintu, kabili ifyo ali umuntu umukalamba. Lelo, nomba, mu nkama ine iya maka yakwe yali mu kuicefya ku cinso cakwa Lesa. Kabili tulesanga ileelo ukutila chalichi, nalyo line ciulasambilisha amaka ya ciiko no kusambilisha ifishibilo ukukonka uwacetekela, libe tulabasanga abaitumika, “nemukulu nine, iwe ulimunono,” kabili cilya, cena—cena tacili nga i Chalichi chakubalilapo, mwamona. Bena bali abacefya, kabili abacikuku kuli umo no munankwe, kabili abasuma, balekutuluka. Kabili cena nacipusana nganshi ileelo. Kabili Ndatontonkanya nga fyonse ifi tafyatusesha ukufuma ku—ku mutima waluseke uutuntulu uwa—uwa Mbila, ukutila, tulefwaya ukuipetamika fwebene. Isungeni mwebene. . . Efyo mwinga twalilila ukuicefya, efyo Lesa ali nokumibomfya mukuwamishapo.

²¹ Ukusoma pa masambililo ya fishilano kabili nafyonse ifi fishilano, Christmas iine cishilano. Tacaba iyo . . . Tabapa icintu icituntulu pa Ciminshiminshi. I Ciminshiminshi ayalumbwilwe muli Baibele, tabatalile abapepapo ubushiku bwa kufyalwa kwakwa Kristu. Takwali icintu ca musango ifi. Ico lisambilisho lyamu Katolika waci Roma kabili te kufundisha kwa bwina Kristu, tapaba i Lembo pali cena apali ponse muli Baibele kabili pa myaka umwanda umo ishakubalilapo panuma ya Baibele, mwamona, tapaba nangu cimo pali cena. Cena cishilanofye. Santa Claus, ifya makwebo, fyonse, conse cilya icintu cakakilwa mu cikalamba ica fintu ifingi ifyabikwa capamo.

²² Nga mwabwelelamo no kusoma ukutendeka kwa ici kabili ukulolesha panshi nomba, imwe kuti mwamona apo twabelele. Takuli nangu cimo icisheleko, takuli nangu cimo icinga afwilisha

kanofye Ukwisa kwa kwa Shikulu. Epelafye. Takuli nangu cimo nomba icingatwafwilisha ukufuma muli ici cimfulunganya lelo Ukwisa kwa kwa Shikulu.

²³ Bushe aka ekalya akakutinika akanono akafumyamo ifishili bwino muma tepu? Nalimo kuti cawama Nga nafumyamo ifibi muli ici cintu conse, tekucituma fye, pantu ciliko icabulamo umucinshi. Lelo Ndesosa ici pakutila. . . Bushe ama tepu yalepangwa nomba? Mwilashitisha aya matepu, mwamona, aya matepu teyakushitisha. Yena kuti yapitamo ukushinguluka ukupita mu chalichi, nangu na fimbipo, lelo. . . pantu cena. . . cikaleta icimfulunganya, mucituntulufye nge sonde. Mwamona? Eico muisungefye mpaka twaiwamyamunshila imbi.

²⁴ Nomba, ilyo tatulapalamina imbila, kabili umuntu onse eshe ukutontonkanya nokuba uwa kutusha ngefyo mwingacita. Nshasende nshita iitali sana, lelo Ndefwaya ukusenda inshita yandi pakutila. . . ukwensha cena, pakutila mucine mucimone cena. Nomba, lekeni mukubalilapo. . . Nomba, nge fintu fyonse nafifuma mu nshila, Ndecetekela, eico bushe kuli. . .

²⁵ [Munyina Neville atila kuliko ifipuna fimo—Kale.] Ee, lekeni abo banamayo abeminine mumbali uko bese pamulu pano. Pali incende pano iyenu bankashi. Ee. Pano pali cimo kuno kwine kuntanshi. Kuno kuli icipuna kunuma kuno. Kuli abana kuno kucipailo, nga pali umu uulefwaya ukwima kabili umwana umunono, no kupela icipuna cakwe ku muntu umu, umukalamba uwiminine. Mulandu nshi, pali incende pa—pa cipailo kuno kwine iya baice, kabili umukalamba kuti akwata apakwikala. Abo banamayo abeminine kunuma ya cipilala uko. Nga imwe. . . Cili kunuma sana kuno mu lusoso, lelo cena. . . cawamapo ukucila ukwiminina uko. Nga kuti mwatemwa ukwiminina. . .

²⁶ Kuno kuliko fimo ku cintamba. Nomba, imwe bamo mwebabwananina abo abengatemwa ukwisa kuno, aba abana nabakwata. . . Apa pali umu uwikele pano kulubali lwakwa Munyina Way. Iseni nomba, leteni ifipuna ukushinguluka kuno, pakuti bonse. . . mube aba umfwa bwino, mumfwe ukutila muli. . . ilengeni mwebene ukuba aba umfwa bwino. Pano pali incende apa, Munyina Shelby, pamulu pano, kuno kwine ku cintamba, nga mulefwaya ukwisa kuno no kwikala pamo na ifwe, pano pene pamulu. Kabili Munyina Evans na Munyina Charlie, na iwe, kuno kuli—kuno kuli icipuna pano penefye, kabili cimo pano pene, kabili fibili—fibili pano pene. Isa pano pene pamulu, munyina apo ukuma ku. . . isafye pamulu pano pene, ilenge wemwine ukumfwa bwino pakutila ifwe. . . bonse tubefye aba mutalalila ngefyo twangaba ku—kulongana, pakutila mwiba abanaka nokupumika nokwiminina.

²⁷ Bamo imwe mweba bwananyina kunuma. . . nkanshi kunuma sana uko munshila, uwiminine kunuma sana munshila. Uli. . . eko icili incende. Apa pali naimbi, pakwikala kalisha

wacinanda umo kuti abomfya, nga kuti batemwa ukwisa ikala pali cena. Kutu cabafye bwino. Ndemona namayo umo alelangilila apali icipuna icishikwete umuntu ku lubali lwakwe, eico kanshi ico cilifye bwino. Ilengenifye mwebene ukuba abaumfwa bwino ngefyo mwingacita nomba.

²⁸ Kabili nomba ilyo tuleba abatekwa, natu . . . Cena cili nalimo ama miniti amakumi yabili, ama miniti amakumi yabili nayatatu ukupita pali teni, pali ubu ubushiku bwalenga ikumi na cine ubali ubwa Mupundu-milimo. Panse pali apamfula mfula, muno mu Jeffersonville muno lucelo. Kabili—kabili tuli ababipa kunse; lelo tulemfwa bwino mukati, ubusuma, ukwishiba ukutula ifwe tulepalama, Ukwisa kwa kwa Shikulu kuli mupepi, no kupalama u Muyayaya. Kabili tuletasha nganshi kuli Lesa ukutula ifwe tuli abalinga muno lucelo ukwiminina no kupela ku wacetekela, no ushacetekela, i Cebo cakwa Lesa uwa mweo. Ukusubila ukutula calaba ubushiku ubukalamba kuli ifwe bonse ukwiluka ifintu fyakwa Shikulu.

²⁹ Nomba natukontamike imitwe yesu pakashita akanono mwipepo. Kabili ilyo tucili natukontamika imitwe yesu, nga kuliko uuli onse uwinga temwa ukwibukishiwa, imyenifye amaboko yenu kuli Lesa, ibukisheni icakulomba cenu mu mutima wenu. Na mutotela.

³⁰ Mwe Taata wa mu Muulu, ngefyo nomba tuli mwi hema, bonse natwikala, kabili icakusoselamo cilebomba, kabili ifyakwambwilako amashiwi filebomba, na bona Kristu balepepa, ifya kwipusha filelengwa ukwishibikwa. Kabili pa milungu ibili nangu itatu Ine lyonse ndasoma mukutwalilila pali iyi mbila iya leelo. Amashiwifye ayanono ayakuti nalimo Mupashi wa Mushilo kuti abomfya ukutwala umutwe we lyashi mu mitima ya bantu, pakutula benga mona inshita iyo tuleikalamo, no kuiteyanya ukukumanya Shikulu Lesa. Ifwe kuti twapepela abalwele besu bonse na bacushiwa ukuli konse.

³¹ O mwe Yesu, ibukisheni i Chalichi Cenu, i Chalichi ce sonde lyonse, isonde lyonse muno lucelo, bamo kunse mu mitengo, bamo bali mu mupokapoka wakupanga ubusalo, bambi pali bana bali pamulu walupili. Kabili isonde lyonse abana Benu bareshintilila pali Imwe no kwita pali Imwe. Kabili nge fyo Yohane wakale, ukufuma ku Cishi ca Patmo, atile, “Nalyo line, iseni, Shikulu Yesu.”

³² Kabili tuleiluka ukuti tatuli ukwabula ukubapo kwa mulwani, ena lyonse aba mupepi ku kucingilila kabili ukulesha, kabili ukucita icintu icili conse ico enga cita. Lelo, O mwe Lesa, peleni abana Benu icicetekelo luno ulucelo, amaka yakwima pamulu wamulwani, ukwisula imitima yabo nokupanga imyeo yabo impanga ya mushili uusuma apa apakutula i Cebo ca Mweo cingalimbwa, nokuleta insansa ishingini nobusomboshi ubukalamba.

³³ Ndepepa, Shikulu, ukutila Mwalapala i Cebo Cenu na babomfi Benu. Peleni ubwafwilisho kuli ili shiwi lyandi ilya nenuka pakutila Ningaba uwa maka ku kusubwa kwa Mupashi wa Mushilo. Kabili nomba mu mulongo wakupepelwa, peleni amaka necicetekelo, Shikulu, ukuti takwabe umuntu nangu umo uwanakuka mukati kesu ilyo twalafuma muno mucikulwa. Cipeleni, Shikulu.

³⁴ Twalishiba ukutila tuleikala pa nshita ya mpela. Kabili twa Mulomba ukutupala nomba ilyo tulelolela pali Imwe no kubelenga i Cebo Cenu. Mwi Shina lyakwa Yesu tulepepa. Amen.

³⁵ Nomba Nalabelenga shibili nangu incende shitatu mu Malembo, kabili ngefyo Nabilishe uyu Mulungu wafumako ukutila ileelo Nali nokulanda pa: *ubwina Kristu Ukulwishanya Nokupepa Utulubi*. Kabili uyo e mutwe wesu uwa muno lucelo. Kabili, nomba, Nshili kasambilila wa fya bulesa, nshili kasambilila wa Baibele mumusango uuli onse, ndi muntufye uushasambilila uyo watemwa Shikulu Yesu no mutima wandi onse. Nshilesosa ukuba kasambilila wa fya bulesa nangu ukwasha ukusenda icifulo camuntu umo, lelo eshenifye mukupetama kwa mutima wandi ukulondolola nilya fintu ukutila Ndeumfwa ukutila Mupashi wa Mushilo nasokolola kuli ine, kabili Ningile ukupela ku chalichi candi. Pantu caba mukufwaya kwandi ukutila ici chalichi cakula, ukutila ici chalichi caba ulwalungama kumupashi. Caba mukufwaya kwandi pantu ici chalichi kufwaya kwakwa Lesa, kabili ukufwaya Kwakwe e kufwaya kwandi. Eico Mfwile ukulolekesha pali ico.

³⁶ Ukubelenga muli bakalemba bantanshi abe lyashi lyakale, abakwa Irenaeus na bena, ifyo basungile ichalihi lwabo ulwabula ukukowela ukufuma ku fintu fya mwi sonde, ifyo balya bakafundisha bakale baile palya pamuli kabili baikele mucine nailye Mbila nsuma. Baibele tayalembelwe mumibebe iyo tuikwatilemo Ifwe nomba, tayali ifyo mpaka inshita ya Kupilibulwa, na Luther aibikile mucalembwa. Lelo bena—bena balikwete ico baleita *I Mbila nsuma no Mutumwa. i Mbila nsuma no Mutumwa*, kabili balikele na cilya.

³⁷ Nomba, pa fifulo fyesu fibili ifyo tulefwaya ukubelenga muno lucelo, umo muli bena asangwa mwi Buuku lyakwa Yeremia, icipandwa ca 7, kabili ukutendeka na vesi ya 10 ukufika ku vesi ya 18. Icifulo cimbi cilesangwa mu Milimo ya batumwa 7:49. Kabili nga mulefwaya ukushilapo pali ici, nangu isambililo ukufuma muli ci, Yeremia 7, kuti caba vesi ya 18. Ndefwaya ukutendeka ukubelenga ukufuma mu vesi ya 10.

Kabili iseni nokwiminina kuntanshi yandi muli iyi ng'anda, iyo iitwa kwi shina lyandi, nokutila, Nomba twalilubulwa ukucita fyonse ifi ifyamuselu?

Bushe iyi ng'anda, iitwa ne shina lyandi, yalisanguka ilinga lya ba kabwalala mu menso yenu? Ukumona, Ine pamo nimona ici, efya sosa SHIKULU.

Lelo kabiyeni nomba ku ncende yandi iyo yali mu Shiloh, uko Nabikile ishina lyandi pa kutendeka, nokumona ifyo Nacitile kuli yena pa bupulumushi bwa bantu bandi Israeli.

Kabili nomba, pantu namubomba shonse ishi milimo, efya sosa SHIKULU ukutila Nalilandile kuli imwe, ukwima pa maca nokulanda, lelo tamwaumfwile; . . . Nalimwitile, lelo twamwa aswike;

Eico Nalacita ici kuli iyi ng'anda, iitwa ne shina lyandi, umo mwacetekela, kabili na kucifulo ico Ine napela kuli imwe nakuli shinwe, ngefyo Nacita kuli Shiloh.

. . .Nalamitamfya ukufuma mu cinso candi, . . .Ine nalakwata ukutamfya bonse aba bwananyina benu, Natamfya bonse aba bwananyina benu, pamo nembuto yonse iyakwa Efulemu.

Eico mwilipilila imwe aba bantu, mwipepela . . .aba bantu, mwi imya kabili ukulilila nangu ukubapepela bena, nangu ukubapepelako kuli ine: pantu Ine nshakamyumfwe imwe.

Tamumona ifyo bacita mumusumba wa Yuda na mumisebo sha Yerusalemu?

³⁸ Nomba Ndefwaya ukwiminina ilyo Nshilabelenga versi yakulekelesha iya ici. Leken i ntendeke nakabili nomba. Lesa ukwebaula aba bantu, no kusosa, “Wibapepelanako bena.” Leken i ntendeke na vesi ya 16 no kubelenga mpaka pa ya 18 nomba. Umfwikisheni.

Eico mwilapepela imwe aba bantu, mwilaimya ukulila nangu ukubapepela bena, nangu ukubapepelako kuli ine: pantu Ine nshakamyumfwe imwe.

Bushe tamumona . . .Bushe tamumona ifyo bacita mumusumba wa Yuda na mumisebo sha Yerusalemu?

Abana balakolonganika inkuni, . . .ba shibo balambusha imililo, kabili abanakashi balapanga umufuba wabo, kukupanga impukumya matobo kuli namfumu waku mulu, nokwitila ifyabupe-fyakunwa kuli tulesa tumbi, pakuti imwe munenge ukufulwa.

³⁹ Nomba, Ndefwaya ukupilibula nomba mwi Buuku lya Milimo ya batumwa, icipandwa ca 7, nokutampa ne versi lya 44, kabili ukubelenga ukuya panshi ukufika pa 50.

Ba shifwe balikwete ihema lyabu nte mu matololo, ngefyo ena asala, ukusosa kuli Mose, ukutila afwile acipanga ukulingana nemibele iyo amwene.

Ico pamo ba shifwe abaishile basendele pamo na Yesu ukufuma kukukwatwa kubena Fyalo, abo Lesa atamfishe kuntanshi ya finso fyaba shifwe, ukufika ku nshiku shakwa Davidi;

Uyo uwasangile ububile pamo na Lesa, nokukabila ukufwaya ihema lyakwa Lesa wakwa Yakobo.

Lelo Solomoni amukulile ing'anda.

Nangu cibe ifyo Uwapulamo tekala muma tempele yapangwa neminwe; ngefya sosa kasesema,

Umuulu e cipuna candi icabufumu, kapili isonde epo mbika amakasa yandi: ning'anda nshi iwe ukankulila? efya sosa Shikulu: nangu ni ncende nshi iya kutusha kwandi?

⁴⁰ Nomba, kuti mwamona pa kubelenga kwa Malembo, ukutila, apo Ndebika itontonkanyo lyandi muno lucelo, pamulu wa “kupepa utulubi,” ica bumo, mukubalilapo. Finono fyalembwa *pakupepa utulubi*. Tapaba amabuku ayengi ayakulondolola ukupepa kwa tulubi, ukupepa utulubi cinshi, libe kabili icalo caisulafye neco. Ndetontonkanya umulandu waici uli, pantu cena tacatala londololwa mucine ku bantu, ukwabula ukwishiba ifyo cingaba. Kabili lyaba lishuko lyandi, kabili ne shuko lyandi ilikalamba mu bumi bwandi, mu kwenda, ukumonako ukupepa kwa tulubi, ukwishiba ifyo caba.

⁴¹ Kabili nomba mukusambilila *pakupepa utulubi*, imilungu iyinono iyakushalikisha, ukusambilila pa fishilano, ukusambilila pa fishilano fyaci Greeki nokusambilila pa fishilano fyaci Roma, lyena cilembwesha mukumona nga balacipaya... bacili balacisunga icintu cimo cine icamweo, moneni nga cakutila ukupepa utulubi kwabafye nge fyo cali pa kutendeke. Ileelo mu kwenda, ukumona ukupepa kwa tulubi; elyo kabili ukumona umusango catendekelemo, ukubelenga ifyo catendeke kunuma pa... mu nshikubalilapo; Ndemona ukutila cena tacapilibuka.

⁴² Nomba, Naliyako ku India, India yaisulamofye ukupepa utulubi. Balikwata abenda-mumulilo kulya na baibela... Ndetontonkanya, akasuba kamo ilyo Nafikile mu Bombay, Nalisansamushiwa kalya akasuba kuli... Ndi... umu muntu alinjebele, teti Njishibe nga ena ali ninani, bena balifye mwi tempele lyakwa Jains. Kabili cali nalimo ikumi na cine lubali nangu cine lubalii, bukapepa ubwapusana pusana, kabili Ndi uwa shininkisha nganshi cali ikumi na cine lubali bukapepa ubwa pusana pusana balinkumenye kulya mu kushinina ukwa Cebo, kabili cila umu pali bena bali abakosa sana mukukana Kristu. imipepele ikumi limo na cine lubali ishaibela! Kabili bali... Batulengele ukufula insapato shesu pe tempele, nokwingila, kabili batwikalike apakusamika imitwe. Kabili caleposa inshintata pakupituluka muli fyonse ifyakulanda

ifyabula ubupilibulo (ngefyo Njita cilya) twalipitamo. Lelo cilolo waulya umusumba ewatusendele mulya, ena umwine mu Hindu, ico icili mwina Mohammedi.

⁴³ Kabili Mohammedi ali ni kasesema, kabili afumine mumulongo wakwa Ishmaeli uyo uwali nao mwana wakwa Abrahamu.

⁴⁴ Kabili cali ni kuli iyi nshila uko uyu kasabankanya wa mbila nsuma uwa lumbuka mwi sonde ileelo, uyo, uwabutwike kumuntu wabo umo uwamubecele kuku cimfyanya mu Cebo. Kabili, ukulingana ne tontonkanyo lyandi, kasabankanya wa mbila nsuma nga alisosele, “Nshakwata ifyabupe fya kundapa, lelo umubili wesu uwa bacetekela walikwata filya. Imwe mwalampela ama ora ayanono, kabili Nalaleta umo muntu pano.” Mwamona? Lelo, mucine, mukucita cilya, nomba ulya kasabankanya wa mbila nsuma nga ali isebanya kuli tulya utubungwe utwalemutungilila, kabili nomba nga balimutamfya.

⁴⁵ Kabili nomba pe tontonkanyo ilya cibili ilya cilya, Nshilecetekela nga Nalilengele ulya ushacetekela ukucimfya pa Cebo cakwa Lesa. Nga Nali cimfiwa, nga Nali imininafye palya nokulangisha isubilo lyandi noku cetekela muli Lesa ukutila Ena abafye cimo cine. Nga fintu abana baci Hebere basosele, “Lesa Wesu ali namaka yakutulubula ukufuma kwi lungu ulya mulilo, lelo nangu cibe fyo tatwa kafukamba ku tulubi.” Ee, Ndecetekela cena nga cali icintu ica bulamba nganshi. Kabili elyo nakabili Ine . . .

⁴⁶ Ngo ukuba dokota wa masambililo ya bulesa kabili uwaishiba nganshi Amalembo, ngefyo ulya kasabankanya umukamba aba, kabili efyo aba umuntu wamaka ena, Ndecetekela ukutila nga Nalimubeca pa Cebo, nga cakutila Yesu ali ni Kristu nangula iyo, nangula cakutila Mohammedi ali ni kasesema, kabili ali mushininkishe kuli Baibele yakwe. Nga ilya yali bwite bwand (muli Baibele) nge fyo cili kuli kasabankanya wa mbila nsuma, ukucilondolola, Nganalisenda ico icakwimininapo mucifulo caku butukafye ukufuma kuli cena nokusenda icifulo cakunuma. Cilya calangishe. . . Cilya tacilelangisha kulyo kushipa ukwine kwine ukwa bwina Kristu uko kwingeminina palya, ukwikala nangu ukufwa. Lesa aliba uwalinga ukupokolola. Ndecetekela nga Nalitlele ukuboko kwakwe pali cilya.

⁴⁷ Lelo balabile ukutontonkanya pali Bombay ilyo umuntu wapofula kulya, abena Mohammedi, ilya nshita ya bushiku ulya apokelele ukumona kwakwe mukulongana. Bena balifililwe ukulumbula cilya.

⁴⁸ Lelo, nangu cibe ifyo, pali aba bantu, bena te ba bumbimunda. Bena bantu aba bufumacumi, ababufumacumi fye ngefyo imwe na Ine, kabili inshita shimo ukucila ifyo twaba

muno mu America. Bena te ba bumbimunda. Bena mucine balicetekela cilya no kucibomfya na fyonse ifili muli bena.

⁴⁹ Lekeni mupele icintu cimo icinono palwa kupepa utulubi. Ndalaba ishina lya kwa ulya lesa uwaba lesa wa balya abenda-pamulilo, lelo cena cintu cabumbwa icikalamba, icikalamba...cintu capalako ku cinso ca muntu, icapala kwati-cilubi, nayakalamba, amatwi ayakalamba ayakumfwa imembu shabo shonse nafimbi po. Kabili ayakalamba, ama rubie ayakalamba nga masikiyo mulya...mumatwi yakwe umu, ayo, ayengeshitikwa limbi citika wa milioni icipimfya cimo, nalimo; ico kuti capimwa mukucilishapo, kuti capimwa mukucefya. Lelo, oh, yalya amabwe yauma umutengo muli ici icilubi!

⁵⁰ Kabili shimapepo we tempele aleta umulimi umupina, ena talingile ukuba...uwasekafye, talingile ukuba umuntu umo uwacindama. Ena muntufye yawe yawe, umulimi uyo ulefwaya ukupela ukutotela kuli lesa wakwe pa filimwa ifisuma. Kabili, mu kucita cilya, alalangisha icitetekelo cakwe muli lesa ilyo aleisa kwi tempele no kupalwa kuli shimapepo wakwe.

⁵¹ Kabili nomba muku...ukuityanya ukwenda mu cishiba ca malasha ico icaba ama fiti ayengi ukuya panshi nama fiti ayengi mubwipi, kabili balapupusha nefya kupupusha mpaka yaba ayabuta ayakaba. Nomba, ico tecakulundako, cena cishinka. Ena aya kuntanshi ya kalubi, atumbula imembu shakwe kuli uyu shimapepo, kabili baitila amenshi pali ena; amenshi yamushilo, nafimbi po, ayo shimapepo apalile.

⁵² Elyo kabili, inshita ishing, balasenda indobani iikalamba, indobani ye sabi, iyikalamba, iikulu, limbi citika wa inchi ukufika pama kota yatatu mu—mu butali, ukupita ukufuma pa—pa kasongolwa ukufika kuli cilya icakwikatilako indobani. Kabili balebikapo ka bola ka menshi pali cilya, kwati li deko ilinono ilyapa cimuti ca Ciminshiminshi, naka bola akanono, nokukesusha namenshi pakukalenga ukufina. Kabili bena balasenda, mu butuntulu, amakana aya balya no kubakoba mu minofu yabo, ukuba fumyamo. Ilyo baleya mulya, mu mubili, kuba tinta, ukuya pita mulya mukukandwa pakutemuna ka lesa kabo, akalubi. Bena te ba bumbimunda.

⁵³ Elyo, inshita ishing, kufumya ululimi lwabo panse no kulasamo umufwi na foloko pali cena, pakupula mu lulimi lwabo nokupita mu mona wabo nokucikatanya pamo, kubula intambo yakubililako nokubila akanwa kabo nga ba...abo abalufyenye pakulanda ifintu. Kabili ukukandwa kwamusango uyo!

⁵⁴ Kabili elyo ukwikala panshi ne ci cishiba icikalamba ica mulilo. Baipaya imbushi, ku kusekesha akalubi, ukupela umweo pa membu shabo. Kabili mulingile ukumfwa i—icongo ilyo ilye mbushi ileipaiwa. Bena balatumbula imembu shabo pali

cena no kwipaya imbushi, ukuposa i . . . ukusenda umulopa nge cakukonsolwela.

⁵⁵ Kabili nomba nga uyu uwakwenda-pamulilo, nga aumfwa umwensu nokubutuka mumulilo, ninshi ailetelwa ukusekwa pamwine eka. Lelo afwile ukwenda panono kabili uwashikimana ukupita pali aya malasha ya mulilo. Kabili limo yalaba ayengi ukufika kuma fiti ikumi limo nayasano ubutali, aya malasha ya mulilo. Kabili limbi fikitini limbi ama fiti ikumi limo na yasano ubutali kabili limbi ama yardi amakumi yatatu nangu ama yardi amakumi yane mubutali, kabili nalimo, oh, nalimo amakumi cine konse nangu ikumi limo amafiti mubwipi. Kabili yena yaba ayabuta ukukaba. Kabili afwalafye umubinde epela, ico kanono akapala-akasalu kamumusana akapombwa mumusana wakwe. Kabili alaya kulya na, nakobwa nafyonse ifi, alesuma umulopa, ne ndobo she sabi nafyonse fiswilefye umubili wakwe, aba uwa umwensu nemyumfwile imbi mpaka amapalalila ayabuta yatampa ukufuma mukanwa kakwe.

⁵⁶ Kabili uyu aleisa, ukwenda ukupita muli ulya umulilo, nokwenda kuli lulya ulubali lumbi, uwabula ukucenwa nakalya, ukupita mumulilo, kabili limbi amakasa yakwe yaleingila na *filya* (amolu) mukati kaulya umulilo, amafiti yabili nangu ayengipo ilyo ale enda, ukulaimya yalya amalasha yakashika ce-ayakaba pa mubili wakwe uwabuntunse, ukwenda ukupita muli ulya umulilo nokufumina kulubali lumbi ukwabula ukucenwa. Kuti mwalolesha pa makasa yakwe, uwabula akakwebululwa nangu apapile.

⁵⁷ Kabili mukulolesha ifyo, no kutontonkanya, nge lambo ku kalubi aka busenshi, no mulopa wa mbushi, ne citetekelo mu musango ulya kuti cacingilila abasenshi ukufuma ku mulilo, ngo u Mulopa wakwa Yesu Kristu kuti wacita cinshi ku wacetekela muli Lesa uwa mweo?

⁵⁸ Nomba, ukupepa utulubi cintu iceni. Ukupita munkulo twalickwata ici, ukufumafye . . . elenganyeni, mukampa kwa nshita. Nomba, umutande wa uku ukupepa-utulubi muntu eupanga akalubi, abika akalubi, elyo aya mulya mukuipekanya umwine ku kupepa uku ukukalamba. Nomba, ena alicetekela ukutila aka kalubi kapangwa mucipasho cakwa lesa umo uo ena tatala . . . tatala monapo. Uushakwata imibele, eico acetekela ukuti ali mucipasho ca aka akalubi ako apangila kuli uyu lesa.

⁵⁹ Nomba, mwileka ico cimishe! I “cipasho” caba mu cipasho caka lesa ka fishilano ako acetekela ukutila efyo kaba.

⁶⁰ Nomba alaya ku cinso ca aka akalubi nokuiposa panshi ukullosha icinso cakwe panshi mumucinshi, nokucetekela ukutila kalya ka lesa e muntu uushimoneka uwisa muli aka akalubi, kabili ena alicetekela ukutila alanda kuli lesa ukupitila muli aka kalubi, ukutila lesa alaileta umwine muli aka kalubi

no kumwasuka ena. Kabili abengi pali imwe bakafundisha pano abasambilila pali ifi fishilano . . . Nangu balya balesa, balikwete ubulwi cila umo namunankwe, basosele, na fyonse, muli shilya inshiku.

⁶¹ Nomba, mu mashiwi yambi, lesa alaifumya umwine mumibele ya bulesa bwakwe, ukuya muli aka kalubi, nokulanda kuli uyu kapepa ukupitila muli aka akalubi. Kabili ulya kapepa, mucapala icakuipangila ica myumfwile, alacetekela ukuti akalubi kalalanda kuli ena, ku mutima wakwe, kabili ena alibelelwo luse pa membu shakwe kabili na fimbipo, ukupitila muli aka akalubi, icilelanga apabuta ukutila ni ciwa. Ni uucita ico.

⁶² Kabili bena tabacitafye ifintu ifya kupumikisha; bamo muli bena balacita, lelo kwaba bakapepa aba cine aba filye fintu. Ica kumwenako, kuti Namyeba amalyashi pafyo ifiwa muli tulya utulubi tucita ifintu fyamitundu yonse, ukulenga umulopa ukufuma mu fintu, ne fintu fyonse ifyashala. Bena—bena baba—bena fiwa!

⁶³ Kabili nga tamwacetekela muli . . . mucine iciwa ekocaba, tamwacetekela ukuti kwaliba Lesa. Mucine, mufwile mwacetekela icapusanako, ifilesuminisha nefilekanya. Eico kwaliba ciwa uwa cine, kabili ena muntu. Te *tontonkanyo*, ena *muntu*.

⁶⁴ Nomba, kuli ukusambilisha kuletwalilila kulya ukusosa, “Kasebanya aba—abafye itontonkanyo ilyabipa ilyo mukwata.” Iyo, iyo, tacaba ifyo. Ciwa muntu.

⁶⁵ Abantu bamobene bacetekela ukuti “U Mupashi wa Mushilo li—litontonkanyo fye ilisuma ilyo ukwata.” Lelo mwicetekela ico. Mupashi wa Mushilo Muntu, Ena Muntu wakwa Kristu mumibele ya Mupashi.

⁶⁶ Nomba, aba bakapepa wa tulubi . . . Kabili namukwata Amalembo yenu nangu ififulo fya Malembo yenu. Ine—Ine limbi kuti nasontelela kuli yamo mu nshita iinono, Amalembo, ifwe limbi kuti twabelenga yamo. Nomba, aba bapepa utulubi, ukulambalala abene ku kalubi, cetekeleni ukutila lesa uo baleshinshimuna emininwako muli aka kalubi. Nomba, bushe mwaumfwa cilya, ukutila kapepa te bumbimunda? Ena mucine aleikata icintu cimo ico cili muli kalya kalubi, pantu cilabwelela pali ena, alacita icintu cimo; acifumya kuli kalya akalubi, ako akaba ni lesa wabufi, uushili wacine Umo.

⁶⁷ Kabili inshita ishing'i ciwa esa muli filya ifintu. Kabili ciwa alengila mu misonkano inshita shimo kabili alaipashanya umwine nga Lesa. Ine nalimona ici mubupyungishi bwandi.

⁶⁸ Nomba, ibukisheni, ici cilifye . . . ifwe tulesambilisha fye muno lucelo. Kabili Ndefwaya luno lukuta, ilyo Nkaya muli bukapyunga ukufuma kuno ukuya mu mabala, Ndefwaya imwe ukwikala na kacema wenu no kwikala pamo no Kusambilisha

uko kwasambilishiwa muno. Ikaleni neci Cebo, mwika Cisha! Ikalenifye ne Cebo te mulandu nefisa nangu ukuya, ikaleni na cilya i Cebo! Mwamona? Nomba, kabili pa mulandufye wa kutila Ndeya. . . Ndifye umo uwa bakakumba muno. Munyina Neville asambilisha icintu cimo cine ico Ncita, eico iseni fye ku chalichi no kumfwila ku Cebo.

⁶⁹ Nshishibe uko Ali no kuntungulula. Naceba umukashi wandi muno luceo pe tebulo, “Kuliko icintu cimo muli ine ico cibilikisha yonse iyi myaka, Ndi no kusanga ifyo cena cili.” Nomba, Nshishibe inshila iyo Cili nokutwalako, uko Cili nokuya, lelo eko Antungulula Ndi nokukonka.

⁷⁰ Nomba, ukupepa utulubi, cena cicilipo ne leelo. Tulasanga. . . Ndasanga abantu baleisa ku cipailo, kabili nemilandile ya bupofu iya bakafundisha impofu, abo abalanda, “Isukafye, labako icintu icili conse, bika amano yobe umwabula nangu cimo. Uli nokuba nga—nga Eliya. Uli nokuba *ici, cilya*, nangu *cimbi*.” We bufi we! Tamwisa kuli Lesa. . . Cilya cili kwisula umweo obe ku misango yonse iyakwa ciwa ukwingilamo. Taufwile ukucita ico. Ufwile waibukisha ukutula kwaliba ciwa, kabili alapashanya Kristu ku nkalata, mupepifye.

⁷¹ Nalebelenga mu *Bumi bwakwa Martin Washila* inshita imo iyapita, ukutila ilyo ali umulumendo, ali mucine cine ni monk kabili atiile ukuti Lesa ali mwitile ukuba umo uwa bakasesema bakale, “Imwe umfweni kuli ine, Ndi umo uwa bakasesema aba kale.” Kabili isukulu. . . Martin, mucine, bafililwe ukumfwa ku cintu ca musango filya. Eico bena tabacicetekele pantu ubumi bwa mulumendo tabwapashenye kuli cena. Mukulekelesha atiile, “Nalashininkisha kuli imwe ukutula Ninjitwa ukuba kasesema umukote. Umwaice fye,” atile, “lelo Nalitwa.”

⁷² Mwamona, “Ifyabupe no bwite fyaba ukwabula ukulapila.” Mwamona, balafuma pa Cebo, kabili ilyo wafuma pa Cebo kuti waya mucili conse.

⁷³ Kabili uyu mulumendo atiile, “Muno bushiku, nalimo pakati ka bushiku, Lesa ali no kumpela umwingila uwa buta, ukwikala pakati kenu bonse pamo, ukulangisha ukutula Ndi kasesema umukote.” Eico bena. . . ilya nshita ya bushiku bonse baumfwile, no kutotosha, “ukwingilamo,” kabili abantu bale endauka. Kabili umulumendo apokelele umwingila uwa buta. Ilyo umweni aile, baile no kulolekesha pa mwingila, wali uwacine, uwacishinka, umwingila uwa buta, walemoneka bwino sana.

⁷⁴ Lelo, bishopo umukote, afililwefye ukumfwa cilya. Tacamoneke bwino, pantu, tacalifye mu Malembo (umwingila uwa buta).

⁷⁵ Kabili ilyo acitile ico, batile, “Bula uyu mwingila no kuya iminina ku cinso cakwa Martin Washila, ulyo muntu wakwa Lesa.” Kabili ena tekuti acicite. Ena afililwe ukwiminina

ku ntanshi yakwa ulya kasesema uwa cine. Ena afililwe ukwiminina; kabili bena bali mupatikishe ukucicita. Kabili ilyo batendeke ukumusenda, umwingila waliluba no kuya kucifulo cimo, bena tabaishibe uko waile. Mwamona, ilyo caletwa ku cilangisho!

⁷⁶ Nga naukwata golide yacine taufwile ukusakamana nga isuma nangu iyo, ili nokukwanisha ukupimwa ukuli konse. Kabili u Mupashi wakwa Lesa uwacine uli nokukwanisha ukupimwa pantu walyeshiwa ne Cebo cakwa Lesa. “Pali ici cilibwe Nkakula i Chalichi Candi.”

⁷⁷ Nalimona abantu ukufulwa nganshi, abantu abasuma. (Nomba kuti mwamona umulandu Nshilefwaila iyi—iyi tepu ukuishitishiwa.) Nalimonapo abantu abasuma, kabili abantu bamu Pentecosti, bakakumba abashakutulwike, abantu balakalipa nganshi nokupona umutombo, nafyonse ifyaba ngefyo, kabili—kabili balacita ifintu, kabili mukulekelesha ukubatwala mucipatala ca mashilu. Cena cali ukwisula imitima yabo, abantu abakaele, kabili ifiwa fyalishilemo no kucitika. Ulya palya ciwa umwine mwine!

⁷⁸ Nalebelenga pano uko umo aishile ku... Ndecetekela cali ni Ireneaus nangu Martin, umo, (bamo bakasambilila ba Baibele abo abali abaishibisha muli ici ukucila Ine), alikwete icilongwe ca golide pamutwe wakwe, alifwele nomwingila wabuta, insapato calikwetemo golide, kabili atiile, “Ninebo Kristu, landeni ukuti Nine!” Ulya uwashila tekuti acicite. Ulya kasesema wakwa Lesa umwine mwine aiminine kulya, alilolele. Kabili batiile imiku ibili nangu itatu kuli ena, “Ninebo Kristu, landeni ukuti Nine!”

Atiile, “Kristu wesu tesa muli uyo musango.”

⁷⁹ Cilya cishinka, imwe mulingile ukwishiba i Cebo! Ikaleni pa Cebo! Mwamona, ubulwi ubukalamba na bupalama. Nomba, ifwe twalikala mulukuta pa myaka ne myaka, lelo inshita naifika nomba ukutila ilyo Yane na Yambre bakakanya Mose nge fyo Baibele yasosa bakacita. Kabili cili no kuba ubulwi ubwa bumupashi, ukulwishanya. Kukabako yamo mutwalililefye, icalichi ca filonganino cikayafye mukuba icikalamba ukucila ifinankwe kabili ukutwalilila umusango cendelamo. Lelo Ndepilibula uwacetekela uwa cine aleisa kuli ilya ncende ya bulwi, kabili kuti cawama mwaba abakanshiwa nokwishiba ifyo mulecita, nangu kuti mwasende umupashi wakowela mukwanguka ukwabula nokwishiba. Nga cena cintu capusana kuli ici Cebo, mwi cicetekela! Ikaleni na cilya Cebo!

⁸⁰ Ukupepa utulubi, ukupepa utulubi kwakale, kwakale muno mu United States. Kabili imyaka iyapita, ama Pueblo Indians, kabili kulya ku Arizona, balepepa-utulubi. Kabili, cilya cali, bena—bena balikwete lesa-wamfula. Kabili lesa-wamfula ali... buleni ulya—ulya fulwe wamumatipa, kabili bapangile icipasho

cakwa fulwe wamu matipa. Kabili babakile amatipa pali ena onse kwati afumine mumatipa. Kabili baleiposa abene kucinso ca uyu fulwe wamumatipa, ukucetekela ukutila kwali lesa-wamfula uwaleisa muli uyu fulwe wamumatipa hull nokulanda kuli bena ukupitila muli uyu fulwe wamumatipa. Pantu bena bacetekele ukutila i...ena aikele mumatipa no umutonshi, kabili ena ali ni lesa pali cena. Balikwete. . .cena masambililo ya fishilano, kucetekela-kwakupangafye ukutila kwacine.

⁸¹ Nomba, kabili bena baleshinshimuna ifiwa mu kucita ifyo. Ukupepa fulwe wamu matipa, ukutontonkanya ukutila ali ni lesa-wamfula, baletele umupashi pali bena, mucine, pantu baliswile imitima yabo kuli cena. Lelo cali mupashi uwalubana!

⁸² Abantu abengi nganshi ileelo baleisula imitima yabo ku cintu icalubana! Mulakwata umupashi bwino, lelo inshita ishingi cilasusha i Cebo, ukusosa, “Inshiku sha fisungusho shalipita! Takwaba icintu ca musango *ifi* nangu *filya*.” Ibukisheni, ulya ni ciwa mwisamba lya kuifungusha ka ubwina Kristu. Lesa twafweni ilyo twaisa muli ici panuma ya kashita, pakutila mucimone, mwamona, ulya mupashi uwakowela mu kuifungusha nga ubwina Kristu. Lelo ico te Mupashi wakwa Kristu, pantu u Mupashi wakwa Kristu wisa ku Cebo inshita yonse. Ena tekuti akane i Cebo Cakwe Umwine.

⁸³ Nomba, ilyo ubwina Kristu bwaishile ku Rome, Rome, mumusumba onse uwa Rome, bakwete imyanda ine ama tempele ya basenshi mukati ka cibumba cama mailoshi-amakumi cine lubali. Imyanda ine ama temepele ya basenshi, kabili yali ya tulesa na tulesa utwanakashi. *Tulesa na tulesa utwanakashi*, “abanakashi na baume.” Imilungu, imyanda ine iyapusana pusana. Tontonkanyeni pali cena, imyanda iine!

⁸⁴ Nomba, filya efyo Paulo asangile ilyo aishile ku Rome. Cilya eco Aquila na Priscilla bakwete ilyo babatumine ukuya ukufuma ku Pentecosti no kupanga ichalichi mu Rome; cilya eco baishilemo, ukupepa kwa busenshi ukwa tulubi. Mwali mupepi nabantu ama milioni yabili mu Rome, mu musumba uukalamba uwa Rome; ico cili, abasha, nabaleikala kunse ya musumba, nafimbi po, mupepi nama milioni yabili ayabantu. Lelo ifibumba ukushinguluka Rome fyali ba mailoshi cine lubali. Kabili mukati ka balya ba mailoshi cine lubali, palya pene pe samba lya lupili, pali ama tempele imyanda ine aya busenshi, kuli tulesa twa busenshi na tulesa utwanakashi.

⁸⁵ Nomba, Ndefwaya ukulanda pano pakashitafye pa cintu cimo ico Nafumya mu malyashi yakale, kabili Ninkwata cimo pano pene pamo na ine. Umusango baingililemo mukupepa, musango nshi baishilemo mukupepa? Musango nshi umusenshi aishile mukupepa? Icintu cakubalilapo ena aile kwi tempele no kusanga shimapepo, shimapepo wa busenshi. Elyo alemupela

umusangulo wa ndalama shimo, elyo kabili ilambo, inama, ku kusekesha lesa uo ali no kulandako.

⁸⁶ Kabili mu nshita shimo, mwi tempile limo, kuti kwabako ukucila umo umusango uwaibela uwakwa lesa. Mwaleba “tulesa, tulesa utwanakashi,” nafimbi ifyashala, mwi tempele limo.

⁸⁷ Eico shimapepo wa busenshi...Ena aleya kuli ena no kumupela indalama shimo, kabili na shimapepo wabusenshi alemubwesha kandulo, ilyainefye kandulo yapangwa kumafuta yanama. Elyo kabili kapepa asendele ii inyali, panuma ilyo alipile shimapepo, asendele ishi nyali no kuya kulya kuli cilye cipailo cimo icakwa lesa uo alefwaya ukulandako. Kabili pali ici cipailo pali umulilo, apo ilambo lyalepila. Pamakasa ya cakubumba, itempele ilikalamba ilya mukuba, nangu—nangu akalubi, kabili asendele ili tempe-...iyi kandulo noku yambusha kulya ku cipailo ca mulilo, icipailo ca mulilo ica kalubi, aambwishe kandulo nokuya pamakasa ya—ya cipailo kucinso ca—ca kalubi, nokubika iyi kandulo panshi. Kabili nomba panuma yakubika kandulo panshi. . .

⁸⁸ Nde elenganya cali ifyo mukweba ati ulya winefye lesa pabwingi bwa balesa bambi kuti aishibafye cilya cine cimo pafya kubumba eco alingile ukwingilamo, namwishiba, ukubwela nokwisa landa kuli ena. Mulandu nshi inyali, Nshishibe. Lelo alebika inyali panshi, iyo aambwishe kumulilo waku cipailo.

⁸⁹ Kabili nomba alebwelela pa mushili wamwi hema, kabili palya aleiposa panshi umwine. Kabili kulya ena kuti alebika umweo wakwe onse, amaka yakwe yonse mwi pepo lyakwe, no kupepa kuli uyu lesa umukalamba uwaba nga umo, ukucetekela-kwakupanga, lesa wafishilano, ukupepa kuli uyu lesa ukwisa muli ici icipasho nokulanda kuli ena.

⁹⁰ Casosele ukutila “Umo pali ba cilolo aleiposa panshi kucinso cacipasho cakwa Apollos ukutila alelanda ukutila aleumfwa na mashiwi yalefuma mwi temp-...ukufuma ku—ukufuma ku kalubi, ukulanda ukubwelela kuli ena.” Ukulambalala umwine!

⁹¹ Imwe kuti mwasosa pali iyi nshita, “Munyina Branham, bushe aumfwile ishiwi?” Nshiletwishika lelo ifyo acitile, lelo cali lishiwi lyakwa ciwa. Takwalipo icintu camusango ifyo nga Jupiter, lesa, nabonse aba bashala balesa abo bakwete.

⁹² Lelo baleiposa panshi abene, kabili balele palya nokupepa, ashinshimwine uyu lesa uwankama uo bena tabaishibepo nangu cimo palwa ena, ilyo uyu mupashi wali mukalubi uyo batontonkenye ukutila eflyo walemoneka. Bena bapangile icipasho kuli ena, kabili cilya casangile ububile pamo nankwe.

⁹³ Elyo baishile pela umusangulo. Elyo ailengele umwine ukuba ne myumfwile, ena aleya pa mulu nakabili ku kalubi kabili iyi nshita shimapepo uwa busenshi amuletele ena kulya fimo—fimo ifyakulya neca kunwa, no kucibika pa makasa ya kalubi. Kabili nomba...(Nomba, Ine...ninkwata apo

cilembelwa pano pali ili ibula, apo Ndebelenga ici. Mwamona?) Kabili aleya pamakasa ya aka akalubi, nokutwala fimo ifyabupe fyakunwa nokufimpulamo, nokusunuko akanono ku cakulya, kabili nomba ukufitila pa makasa ya kalubi.

⁹⁴ Cinshi ico alecita? Ukukwata umulalilo ne fiwa; ukulanshanya ne fiwa, balesa na balesa abanakashi. Uwakupashanya fye—fye umusango wa mwina Kristu ukulila pamo na Kristu, ukulya umulalilo. Uyo ewali umusango wa chalichi cakubalilapo nangu abalebeshi ba Mbila nsuma (abo baishile ku Rome) abasangilwe, cali muli aba bantu muli uyu musango wakupepa.

⁹⁵ Baali ewali lesa uwaishibikwa sana muli ilya nkulo yonse, pa tulubi, ali ni Baali (B, babili ba a, li), ali ni lesa-wakasuba. Kabili nomba alikwete no—no mukashi, lesa-wamweshi, lesa umwanakashi, Ishtar, I-s-h-t-a-r, Ishtar. Kabili cena ciletwa na, A-s-t-a-r-t-e, “Astarte.” Cena caba pe kobili lya ci Roma. Ali ni lesa umwanakashi, lesa umwanakashi uwa mweshi, nangu “namfumu wamu mulu, nina watu lesa,” lesa-wamweshi. Kabili lesa-wakasuba ali ni Baalim.

⁹⁶ Ukuba, mupepi fye na bonse abasenshi bashinshimwine kalya kasuba. Nangula ama Indians yalecita icintu cimo cine ilyo—ilyo twaishile, ukusanga America muno, ilyo America yasangilwe. Iseni, bashibo baishile kuno, basangile ukutula bena bacili baleshinshimuna a—akasuba. Pantu, muli ici, bena balishinshimwine.

⁹⁷ Uyo emusango emusango balepepelamo tu lesa na tulesa utwanakashi mu Rome, ilyo umwina Kristu afikile mu Rome.

⁹⁸ Nomba, mu kwenda kwandi, Nalimona ukutula ukupepa utulubi takwacinja. Kabili nobwina Kristu bwacine tabwacinja. Bonse babili balekatilila ififulo fyabo, kabili bali no kucita ico mpaka Ukwisa kwakwa Shikulu Yesu. Pali ici Ndefwaya ukulanda panonofye, pakutula mwingakwata ilyano ilya cena, kabili nga uli wabu mupashi mucine uli nokucumfwa ici.

⁹⁹ Pantu ulya Baali ali ni lesa-wakasuba, cisuma, impukumya matobo shalepangwa. . . Na Yeremia asosele apa, twacilandapo inshita iinono iyapitapo, bana mayo balepanga impukumya matobo kuli Baali, lesa-wakasuba. Pantu, mulesanga panono kuntanshi ukutula, cilya panshi muli capitala, nga mwacibelenga, ukutula basosele, “Nga tatupepele Baali lyena ifilimwa fyesu kufilwa, pantu Baali ewali lesa wa mufundo.” Mu mashiwi yambi, “Ifwe twalishiba ukutula akasuba kalapanga ifilimwa ukukula.”

¹⁰⁰ Lelo kasesema alibebete, “Ni pa mulandu wakutula mwalilekelesha Lesa, ulya e mulandu ifilimwa fyenu tafikulila.”

¹⁰¹ Lelo balepepa Baali, batiile bali nokucicita “Ukumupepa, ukupela ifyamusangulo kuli ena.”

¹⁰² Nomba, nga Baali ali ni lesa wabulungana... (Nomba, ikateni ici, ishi pe shiwi, kabili mwalaumfwa fimbi ifyashala, kukupwa kwa iyi Mbila.) ...lesa ali uwabulungana lesa, lesa-wa kasuba, balikwete ishikalamba imbale sha mukuba ishale bekeshwa akasuba nokumoneka kwati mulilo. Kabili umukate uo Yeremia atiile apa ukutula bena... abanakashi balepanga inshi mpukumya matobo kuli Baali, ukutula capangilwe icabulungana kwati kasuba. Ukuba, kanshi, cabikilwe pa cipailo, icipailo ica busenshi, ku mulalilo, kabili capangilwe icabulungana kwati kasuba nangu umweshi, pantu cena cala ni lesa-wa kasuba nangu lesa-wa mweshi.

¹⁰³ Ulya... Baalim ali, uo twacilanda, “Ni lesa wamufundo, alalenga fyonse ukukula.”

¹⁰⁴ Nomba, ichalichi catampilepo caishile kuli ici ilyo baishile mu Rome. Kabili casoswa no kucetekelwa mu chalichi caci Roma, nangu ku chalichi ileelo, nangu chalichi ca Katolika icaci Roma, ico citwa “Katolika...”

¹⁰⁵ Bonse nifwe ba *katolika*. Ifwe tuli lukuta lwaba Katolika, ifwe tuli lukuta lwaba apostolic. *Katolika* cipilibula “konse-konse.” Kabili tuli Chalichi icaba konse konse ulwa Cicetekelo ca batumwa. Ee, mukwai. Pali ubupusano pakati ka nkuta shilya shibili; lumo pali shena lwali ni katolika, konse-konse, *bamutumwa*; lumbi lwali Katolika waci *Roma*.

¹⁰⁶ Kabili casoselwe ukutula Petro... nangu ifyo bacetekela, ukutula Petro ewapangile ulukuta lwaci Roma. Ndefwaya Amalemo, Ndefwaya icifulo ico mwingasosa ukutula Petro alitalile ukuba mu Rome mu mibebe iili yonse. Nge fyo lukuta lwaci Roma lwasosele, “Ena ali kulya ukufuma 41 ukushinta 46.”

¹⁰⁷ Kabili, pali ilya ine nshita, Claudius ali ni cilolo mu Rome, uyo walengele bonse aba Yuda ukufuma. Belengeni Imilimo ya Batumwa, icipandwa ca 18, kabili muli no kusanga ukutula Paulo, ilyo aile mu Efese, asangile Aquila na Priscilla, abo abali mucine aba Yuda, kabili balifumishiwe kunse munshita iya kucushiwa, kabili bena bali kuno mu Palestine nakabili pantu Claudius aebele bonse aba Yuda ukuya, bonse babili abena Kristu naba orthodox. Aquila na Priscilla baimike ulukuta mu Rome, kabili bali no kufumamo pa mulandu wa kwima kwakwa Claudius, alisendele ulukuta lonse... nangu abena Kristu naba Yuda bonse ukubafumya mu Rome.

¹⁰⁸ Nomba, “Petro ukuba bishop wa chalichi,” kabili kuti Namulangisha Amalemo, ukuya fye pantanshi mupepi ne myaka amakumi cinelubali, ukutula Petro tatalile ukufuma mu Palestine. Mulya mwine mu Malemo! Kabili mwatila ukuti “Petro aipailwe mu Rome, kabili Paulo aputwilwe umutwe wakwe mu Rome.” Ico cishilano. Nalibelenga yonse ayo Ningasanga amalyashi yakale pa bantu abaipaiwe pali

bukapepa bwabo, kabili takwaba nangu limo pali yena ililanda icintu icili conse pali Petro nangu Paulo (umo pali bena) ukwipailwa mu Rome. Payakale sana ayacishinka amalyashi yakale pa bantu abaipaiwe pali bukapepa bwabo eyo twingabelenga, tapaba nangu limo pali yena ilisosa icili conse pali ico. Ena taali! Cena cishilano.

¹⁰⁹ Ndipano mukusokolola ubusenshi, eico ifwe tuli—ifwe tuli no kucita cilya ku bwafwilisho bwakwa Shikulu ne Cebo Cakwe, mwamona, ukumulangisha fye ifyo lukuta luli. Mulebilikisha palwa “Katolika!” lelo lolelenifye pa ma miniti ayanono.

¹¹⁰ Nomba, nomba, tulesanga ukutula panuma yakwa Aquila na Priscilla (ukulingana na Malembo) bafumishiwe mu Rome, ulukuta ulunono lwashele ngo mwana wanshiwa, fyonse fyali mulya umo abasenshi abapilibwilwe abo baishile mu lukuta lwaba Roma ulwabena Kristu, ulukuta lwa ntanshi ulo Aquila na Priscilla na bambi abaupene abo abapangile cino chalichi kabili abalelusakamana.

¹¹¹ Lyena tulesanga ukutula, panumafye bafuminepo, ukutula bapangile bashimapepo babo abene nokubula isambilisho lyabo abene, elyo kabili baishile bula . . .ku kusanga ububile kuli cilolo, Constantino na balya abaishile panuma, mukusanga ububile, pantu balingile ukusenda ba membala mulya ukwiminina mukutungilila kwa fikansa fya cilya calo. Baletelema ba membala wa chalichi, nokubengishamo pa (“kupwililika”) ukuyebelelefy, ukwabula ukwishibapo ifingi pali Lesa ukucila bamo aba bantu twakwata mu America ileelo bacita; nga bukalapashifye, uyo uwali umwina uukalamba pali bena ukulandafye pali Kristu, naumbi Lesa kumbali yakwa lesa wabo abene. Kabili mulya babulile, ukutwala mu mafunde yabo aya chalichi, ukusefya kwa busenshi.

¹¹² Nomba, shimapepo waci Roma, elyo babulile ici pakubula nokupanga umulalilo. Icintu cakubalilapo icaishile kupanga umulalilo. Mucifulo cacipe icatobeka ngo Mubili wakwa Kristu, balecipanga ica *shinguluka* nga akasuba nangu nga umweshi. Kabili ukufika napali buno bushiku calishinguluka! Mucine. Uculi mukate uwashinguluka, kabili tecipimfya icakumokola ku Mubili Wakwe. calishinguluka kabili icatelela. Bashimapepo waci Roma ileelo palbika uyu mukate washinguluka pa cipailo nokuwita “Uwacine u Mubili wakwa Kristu.”

¹¹³ Nomba, kwalibako ibumba ilikalamba pakati ka aba ba Episcopalian, kabili na bambipo. Kabili ulukuta lwa Katolika luli pali lilye sambililo, nga cakutula cena Mubili *uutuntulu* nangu *cilemininako* u Mubili. Katolika waci Roma atila “Mubili wacine,” pantu ulya ewali umubili wacine uwakwa Baali (lesa-wakasuba) uubengeshima umwine pali cilya icipimfya ca mukuba kabili bacipangile icashinguluka. Takwaba itebulo lya bwina Kristu ilyakwata umukate wabulungana pali lyena!

¹¹⁴ Elyo balefwaya ukulolesha ku kabanga, kabili na fimbipo, nge fyo bacitile mukupepa kwa busenshi; nokuleta bana mayo mulya, nafimbipo, ngefyo lyonse bacitile, nga basenshi kuli lesa umwanakashi, nafimbipo. Nomba bafumishepofye Astarte nokubikapo Maria, bamupangile namfumu wamu mulu. Bafumishepo Jupiter no kubikapo Petro. Kabili basendele isambilisho, pakutila bacite ico bakwete. . .

¹¹⁵ Ilyo Aquila na Priscilla babwelele, panuma ya myaka ikumi limo na itatu iya kuteka kwa Claudius, ilyo babwelele basangile ichalichi cabo calipelwa kukupepa utulubi mumupwilapo, lelo calikulile nangshi, icintu icikalamba.

¹¹⁶ Pakutila baleta ici mukati, bafwile bafumyapo Baibele umupwilapo. Nomba, Ndi mu Irish, Naikwata ifyo beta *Ifishinka Fya Citetekelo Cesu* ico cabafye kuli shimapepo, kabili na fimbipo. Kabili Ninjishiba ici, ne fyakulanshanya na bashimapepo, shimapepo takamutalike imwe Baibele, Baibele libukufye nalimbi kuli ena. Ilyo uyu kuno Bishop Sheen atile, kuno nalimo imyaka ibili iyapitapo, ukutila “Uuli onse uyo waeseshe ukucetekela Baibele, ali kwati kwenda ukupita mu menshi ya matipa.” Bena tabacetekela Cilya! Bena batendeke kulya kabili batiile, “Les a ba mu chalichi Cakwe, te Cebo Cakwe.”

¹¹⁷ Uyu shimapepo kuno lubali mu musebo, uyo waishile mukulanshanya ili line, kuno lubali pa Mutima wa Mushilo, atile kuli ine. . . nangu ici chalichi mu musebo kuntanshi, Nindaba ifyo cena cili. Ndetontokanya ciletwa Umutima wa Mushilo. Aishile kuli ine pamulandu wa lubatisho, Mary Elizabeth Frazier uyo wabwelele inuma nokusanguka Katolika. Atile, “Bushe walimubatisha?”

Natile, “Ee.”

Atile, “Wa mubatishe shani?”

Natile, “Mu lubatisho lwa bwina Kristu.”

Atile, “Musango nshi ulepilibula?”

Natiile, “Kwaba fye ulubatisho lumo ulwa bwina Kristu.”

Atile, “Cinshi ico ulepilibula, mu kwibisha?”

Natile, “Ee, mukwai.”

¹¹⁸ Atile, “Wali mwibishe lilya mwi shina lyakwa ‘Taata, Mwana, na Mupashi wa Mushilo?’”

¹¹⁹ Natile, “Cilya te lubatisho lwa bwina Kristu.” Natiile, “Ulubatisho lwa bwina Kristu lwakwibisha mwi Shina lyakwa Shikulu Yesu Kristu.”

¹²⁰ Acibikile panshi. Atile, “Bushe walalapa kuli uyu mulapo, pamo, nangu uku ukusumina kuli bishopo?”

¹²¹ Natile, “Nga tekuti acetekela icebo candi, lekeni acite ukwabula cena.” Natile, “Nshilapa pa cintu icili conse.”

Mwamona? Kabili atile . . . Kabili Natile, “Te kuba uwafikansa, mukwai, lelo Nalishiba Baibele itila, ‘Mwilapa ku myulu nangu pe sonde, pantu cena pakubika amakasa Shakwe,’ kabili na fimbipo. Ifwe tatulingile ukucita cilya.”

¹²² Atile, “Ceni, chalichi ca Katolika lwalebatisha muli uyo musango.”

Natiile, “Lilali? Lilali?” Mwamona? Lelo batila balicicitile.

¹²³ Pantu, mu cishinka, bena bali, kabili ifwe bonse twali umo pa kutendeka, kabili cena . . . intendekelo—intendekelo yafuma ku Pentecosti. Cilya entendekelo ya lukuta lwa ntanshi ukuli konse, uuli onse kuti alanda po. Ulukuta lwa bwina Kristu lwatendeki pa Pentecosti, no kwishiba kwa pentecosti, abantu ba pentecosti, ulubatisho lwa pentecosti. Bonse bafumine ku lukuta lwa ntendekelo pa Pentecosti.

¹²⁴ Nomba, moneni. Nomba, tulesanga lilya ukutila bena balifumine kukufundisha kwa Baibele pakukwata ifi fintu pakuseksha ba cilolo nafimbipo, ukuletamo abasensi.

¹²⁵ Nomba, lolekesheni. Petro ali u mu Yuda. Bushe ico cishinka? Bushe kuti mwa elenganya Uwashila Petro ukubula itontonkanyo lyakubika utulubi mu chalichi, umu Yuda uo baleseshe nokulolesha pa kalubi? Bushe kuti mwa elenganya ena ukucita icintu camusango uyo? Te Petro! Kutu mwa elenganya ena ukutila, “Ukulemba kwandi konse kulya kwali ukwalubana, Nalafiposa fye panshi nomba. Ndi no kwikala ngo mupashi muli ici chalichi caci Roma, kabili Nalasenda . . .”?

¹²⁶ Ukuba, cena kuti caba umuntu uwapilibulwa. Eico, pakucita ico, batampile isambililo ukutila “Petro ashikilwe mu chalichi kabili ashile Amafunde yonse pamo na bena, kabili bali chalichi ca Katolika ulwa ntendekelo.” Bena tababa! Takwaba Ilembo, takwaba ilyashi lyakale nangu icintu icili conse icakucishininkisha; takwaba nangu cimo. Takwali.

¹²⁷ Kabili ulya shimapepo wa busenshi uwa chalichi ca ntanshi ulwaci Roma aba fye filya fine cimo cine ileelo. Balicetekela ukutila ulya umukate waba umubili wakwa Kristu, ukutila mu nshila imo Kristu aleka no kutolokela muli cilye cipimfya ca mukate icili pa cipailo (uo bakoswe basenda ubushiku bonse). Mwamona? Cetekela . . . Kabili uyo emulandu ba Katolika bacetekela ukutila ufwiile waya ku chalichi mukupepa, pantu “Lesa aba muli lulyo lukuta.” Ulya e mulandu wine bakontamikila no kushila umusalaba abene, ukushinguluka ulukuta, pantu “Cilya ciputulwa ca mukate ni Lesa.” Tacili nangu cimo lelo icilangililo caka Baalim lesa-wakasuba, takwaba Ilembo kuli cena nakalya! Ee, umukate washinguluka uuli pa cintamba.

¹²⁸ Nomba, eico kanshi, bena tabasumine ukusambilisha kwa bwina Kristu ukutila . . . Irenaeus, Polycarp, na balya aba bwananyina abantendekelo, Paulo. Tulesanga ukuti, umusambi

wakotele sana ali...uwaikele inshita iitali nganshi, ali ni Yohane. Balimutamfishe imyaka itatu, kunse kulya ku Patmos, pantu alikwete isukulu. Alepela nangu ukulungika i Cebo cakwa Lesa uku Cibika capamo, Inkalata capamo. Bamusangile ena na basambi bakwe balecita ico, kabili bamutamfishe pamyaka itatu (panuma ya mfwa yakwa cilolo alibweshiwe), elyo kabili alembele i Buuku lya Kusokolola.

¹²⁹ Kabili landeni palwa “Lesa mu chalichi Cakwe nangula Lesa mu Cebo Cakwe?” Baibele yasosa ukutila i Cebo ni Lesa.

Mu kutendeka kwali Cebo, kabili Cebo ali pamo na Lesa, kabili Cebo ali ni Lesa.

Kabili i Cebo caishileba umubili, no kwikala pakati kesu, . . .

¹³⁰ Kumbali, yakufundisha ukuli konse ukwa chalichi icili conse, nangu lube Baptisti, Prsbyteriani, Methodisti, Pentecosti, nangu conse ico lwingaba, cilya tacikalile inkalata ne nkalata ne iyi Baibele, intu yalubana! Pantu Yohane atile mu Cishi ca Patmos, Mupashi wa Mushilo, nangu Kristu ukulanda kuli ena, asosele ici, “Ngo muntu uuli onse afumyako icintu icili conse ukufuma kuli Ici nangu ukulundako icili conse kuli Cena. . .” Eico ifyo mwalabikako ifi fishibilo fya busenshi ifya kupepa-utulubi, ukupanga balesa batatu ukufuma muli Umo, nafyonse ifi fyashala ifintu fya busenshi ifyo ichalichi cakubalilapo tacatalile fundishapo kabili calileseshe cena?

¹³¹ Akabungwe ka Nicene, nga cakutila Ena ali ifintu fitatu atemwa icintu cimo icituntulu, ukulanshanya ukukalamba, balya ba mufwilakristu baishile kulya, bamo muli bena pamo—pamo. . . Umwaume umo, ba—ba bishopu, bakashimikila bamu pentecosti, pakubika amaboko pabalwele, babikile icela cakaba pa maboko yakwe nokutinta amaboko yakwe *ngefi*. Bambi, baliminine, apo balebula ulupanga nokumulobola ilinso lyakwe, camoneke kwati ibumba lya ba mufwillakristu abo abaiminine pa Cebo! Aleluya! Bena basankenye umulopa wabo pamo na bakasesema abakale. Ici Cebo, munyina, Cena Cebo cakwa Lesa.

¹³² Ilyo aba basenshi bapilibwilwe, bena baletete mukati ifi filangililo ku bwina Kristu. Bena tekuti babomfye Baibele nakabili, pantu Baibele yalileta pabwelu ici. Kabili bena bali no kumweba ileelo line ukutila tabakwata. . . bena tabacetekela Cilya. Batila, “Cilifye bwino, lelo ichalichi e Cebo ica sumbuka.”

¹³³ Ukuba, tulesanga icintu cimo cine mu Pentecosti. Mwilabilikisha palwa “Katolika,” ilyo tuli fye no mulandu pamo, ba Methodisti, Baptisti, kabili cila umo muli bena.

¹³⁴ Imwe ba Methodisti, aba mushilo nganshi, cinsi mwaipaile Joseph Smith nombamba? Ino ni America nensambu shakupepa. Nshacetekela ifyo Joseph Smith asosele, lelo tamwakwetepo insambu shakumwipaya, nacilungama, ulya Mormoni.

135 Imwe ba Baptisti, nibanga abo mwafimba? Mwebashala imwe?

136 Kabili ba Pentecosti, mulifye abamulandu nga bonse abashala, babafye aba pama kabili mwina wabu mumbi munda. Kabili munshila yaku icefya namaka ya Mupashi, mwalikwata i Cebo ukwabula u Mupashi. Kabili mulacita ububi sana ukucila ifyo mwinga cita nga mwali nga bonse abashala. Ukubwekela mu fya kusefya fyabo ifya busenshi ne misango yonse iya matontonkanyo aya balesa batatu, kabili na fyonse ifi fintu fimbi, imwe tekuti mushininkishe cena ne Cebo. I Cebo caba icapusana kuli cena. Ifyo cabe ca bulanda, ifyo caba icabulanda!

137 E ico ilyo bapangile ulukuta lwa kubalilapo ulwa Rome, ubwina Kristu, bena balifumishepo Baibele; kabili ukusenda uku ukusefya, munshila yakucicita, balingile ukukwata icapala uko balefuma, eico batiile, “Petro ali ni papa wa kubalilapo uwa ku Rome. Kabili ena acili aba muli ulyo musango,” eflyo basosa. Ukuba, lekeni tusose ukuti ewali, kuti Petro aibwelamo pa Mashiwi yapa Pentecosti? Bushe kuti mwaelenganya umu Yuda ukupanga utulubi?

138 Kabili ilyo Ningashininkisha kuli imwe ku Cebo icalembwa ukufuma muli Baibele, filya finefye inshiku ne myaka, ukutila Petro tatalile ukusha Palestine lelo inshita fye imo (kabili aile ku Babylon kulya ukupita ku Euphrates), tacatalile ukuba mu Rome, ku Malembo, EFYA SOSA SHIKULU! Yonse mano ya busenshi.

Nomba twalaleta cilya ukuyafye muli bu Protestanti.

139 Lolesheni pa Pentecosti, ukwabula ukusenda i Cebo. Ikaleni na cilya Cebo kabili imwe lyonse mwaba abalungama; fumenipo cilye Cebo, muli no kuya ukuli konse.

140 Kuno inshita imo akale sana mukulongana ukukalamba ne sukulu lya ba Pentecosti ilikalamba, umwanakashi alitolweke, ukulandila mu ndimi, no kufulunganya ubwite bwa kucipailo. Kabili ilya nshita ya bushiku ilyo Nabwelele, Billy alinkumenye kunse kulya, atiile, “Bushe namwishiba? Ulya umwanakashi atiile alikwete imbila imbi muno bushiku iyo ena ali no kupela.”

141 Kabili Nalolekeshe ku mwanakashi (imishishi iya putulwa, indeleshi iya papatila nganshi camoneke kwati apongolwelemofye muli cena, aikele pamulu palya alewamya umushishi wakwe, aletinta insokoshi shakwe), Nalishibe ukutila ali nokutoloka. Kabili atolweke, kabili Natile, “Ikala panshi.” Atwalililefye filya fine. Natile, “Bushe uleng’umfwa? Ikala panshi!” Oh, ine.

142 Ilyo Nafumine panse bulya bushiku, kwali abali folo nangu faifi balya abaume abankumenye panse palya nankwe, natiile, “Naukalifya u Mupashi.”

143 Natile, “Umupashi uuli onse Ine nakalifya ne Cebo cakwa Lesa ufwile wakalipa.” Natile, “Bushe Baibele taisosa ukutila umupashi wa bakasesema unakila kuli kasesema? Nga alepela ubunte, busesemo nshi ubu—ubu... Ukulandila mundimi busesemo nga kwailulwa.” Natiile, “Ninshi lekeni ena alolele mpaka Napwisha, lyena kuti acikwata.”

Atiile, “Lelo ulesambilisha i Cebo.”

Natile, “Cilya eco Ndeimininapo.”

144 Atiile, “Ena alikwete icintu cimo iciteku kabili icipya ukufuma ku Muulu, icintu cimo icaibela ukufuma kuli Cilya.” Ico ngatekubwelela kuli bu Katolika bwa ci Roma Nshishibe eco cili!

145 Leken i shiwi lya muntu onse libe ilya bufi no mupashi onse ube uwa bufi, ne Cebo cakwa Lesa cibe ica Cine. I Cebo cakwa Lesa ecakubalilapo!

146 Bwafya nshi ileelo, balikwata ubusokololo ubwingi nganshi ne fintu fyabufi. Cena kuiponyafye abene palwabo kulya nokwisula imitima yabo kufiwa, mucifulo cakwikala pamo ne Cebo cakwa Lesa. Apo epabela ubwafya, ico cine ecaba ubwafya. Abantu, abacine, abacishinka, abantu abasuma, lelo tekuti ubebe. “Ukuba, twacetekela *ici*, nga fwebantu ba Pentecosti.” “Twacetekela *ici*, nga fwebantu ba Baptisti.”

147 Ine nacetekela Ici pantu Cena Cebo cakwa Lesa! Ndebecana no muntu uuli onse ukunungika muli Ico. Mwamona? Ico nacilungama. Ico e Cebo! Ikaleni pamo Neci, Ici e cine!

148 Eico bapangile i chalichi cakubalilapo, i chalichi cakubalilapo icaba Katolika waci Roma. Kabili mucifulo cakwita ena... ena *bishopo*, ico bena lyonse balemwita, nomba bamwita “Taata.” Bacili balamwita ifyo. Kabili balanda ukuti pano, “Imwe mufwile mwasumina cena, ukuti aka akamukate e Mubili wakwa Kristu. Kabili, mukwishiba, shimapepo ni lesa, pantu Lesa afwile anakila ukumfwa kwi shiwi lyakwa shimapepo ilyo ilicinja aka akamukate ukuba u Mubili uutuntulu uwakwa Kristu.” Kabili nomba abantu incenjeshi lekeni ako kapite pa mikolomino yabo! Oh, owe! Oh, musango nshi... .

149 Lelo bakapepa bacine, ba bishopo bacine, bekala ne Cebo. Bena baikele mulya mwine mu Nicene Council, baikete cilya cine i Cebo mulya mwine. Ee, mukwai. Baishilemo kwati ni mfwilakristu, nafimbi ifintu, lelo bena baikele pamo nacilya cine i Cebo. Tabalefwaya ukupepa utulubi nakalya.

150 Kabili Ndefwaya umuntu umo anange apo Uwashila Patrick atalile ukuba Katolika waci Roma. Takwaba icintu icaba ngefyo! Afumine muli cilya i chalichi caci Roma. Aali mwipwa wakwa Martin Washila. Nalebelenga pano, mu... . umwanakashi uwalembela i... Hazeltine, Misisi Hazeltine, *Ifi*

pandwa fyafumine mu Nicene Council, atiile ukuti aabilemona muli kadi ku Oxford ukubula ka—kadi yapa, ukufumyamo, *Ubwikashi Bwakwa Martin Washila*, noyu muntu atile, “Lelo tali ni membala waba shimapepo wa chalichi caci Roma.” Icine cine iyo, afumine no muli ico cintu! Na Patrick Washila eflyo acitile. Umuntu uwaikele ne Cebo cakwa Lesa bakulile amasukulu yabo abene, bafumine bena mufintu fyamusango filya.

¹⁵¹ Nomba, tulesanga ukuti, ifyo fine eflyo caba ne leelo. I chalichi caci Roma catwalililapofye pamo naumo wine umukate washinguluka, ukucetekela ukuti Kristu alesa pano nokwingila. Kabili, kutikeni, bushe mwalishiba shimapepo eunwa umwangashi? (Lintu, bena bonse bafwile ukunwa umo ukupela umunankwe, “Ena apele kapu kuli umo no munankwe.”) Lelo, mumibele yabusenshi, bashimapepo ebanwa umwangashi. Mwamona? Imwe mucili. . . Conse ico cabusenshi! Bwino bwinofye. Bena tabasakamana.

¹⁵² Bena balamweba, “Ine nshalande kuli iwe palwa Baibele.” Ulya kapyunga, nangu shimapepo, atiile kuli ine kulya lubali, atiile, “Mista Branham, iwe uleesha ukulanda palwa Baibele, Ine ndelanda palwa chalichi.”

Natiile, “Lesa e Cebo!” Nacilungama. Nomba, conse nacilungama.

¹⁵³ Tulesanga muli ici, ukufika na muli buno bushiku, ukuti emulandu wine i chalichi ca Katolika icaci Roma bafwile ukuya ku chalichi mukupepa. Babafunda ukuti “Lesaba muli aka akamukate, ewaba Umukalamba mwi hema.” Mwamona? Bushe tekuti mumone ukutula ubo busenshi? Icine cine, bwena eflyo bwaba.

¹⁵⁴ Bushe tekuti mumone ukutula abantu abo abengabula icili conse—icili conse icapusanako kuli ici Cebo baba abalingana? Bushe Baibele tayaitile, mu Kusokolola 17, ichalichi ca Katolika “cilende”? Bushe Yena tayaitile ba Protestant nyina wa. . . ukutula ena ewali “nyina waba cilenda”? Icintu cimo cine! Ena apela isambililo ukufuma muli kapu wakwe uwa fyakowela ifya muselu fya bulalalale bwakwe, ifiko kabili ifyakowela, ukupangwa kwa muntu wafye, mucifulo ca Cebo cakwa Lesa wa mweo ico icaba ica cine kabili icisha cinjishiwa.

“O mwe Lesa, kwateni uluse pali ifwe,” e pepo lyandi.

¹⁵⁵ Irenaeus atiile, Nalilemba pakapepala pano pafyo alandile, atiile, “I Cebo cakwa Lesa caba kwati mwina wa mabwe ayasuma ayakalamba ayo ayabikilwe ukupangamo icintu ici kalamba, i Mfumu yamaka. Lelo,” atile, “amasambilisho, ifyo ba cetekelamo, ifilonganino, babula yalya ayasuma amabwe yauma umutengo nokupangamo imibele yambwa ukufuma muli yena, nokubepa abashaishiba i Cebo. Ici bacita ukonaula inshila shakwa Lesa kabili nokuleta umusebanya pali Cena.” Alleluya!

156 Lintu imwe waesha ukupanga i Cebo cakwa Lesa ukulanda icintu cimo icakwampana nakabungwe kenu, imwe mulebula amabwe yauma umutengo ukufuma ku Mubili uukalamba uwa Mfumu nokupangamo icipasho ca mbwa, nangu mumbwe, nangu kapoli, nangu icintu cimbi, ukufuma muli cena. Kabili iwe wabepa abashaishiba i Cebo.

157 Alleluya! Kwaliba bamo abakwata u Mupashi wakwa Lesa, ico icaimininako i Cebo icaba umuntu. (Lesa, fusheni abakubomba.) I Cebo, tecimbi lelo Cebo! Bula ico Cebo uko Yesu atiile mulya, “Imyuulu yonse ne sonde fikapita, lelo i Cebo Candi tacakapite.”

158 Apo Cena calanda ukutila, “Mulebatisha mwi Shina lyakwa Shikulu Yesu Kristu”; bena bapanga “Taata, Mwana, na Mupashi wa Mushilo,” ba lesa batatu ukufuma muli Cena. Bena babula umusango onse uwafyakucetekelamo, nokupangamo ifintu fyonse ifya misango yonse, kabili nokulasansa amenshi mucifulo cakwingisha mumenshi. Ifintu fyonse! Ukupanga icaba kwati cintu capangwa-nomuntu icakwangala ukufuma muli cena, mucifulo cakucibika mwi Libwe lyauma umutengo, mu Mfumu ikalamba, Kristu.

Oh, Alleluya! Uyo ni Lesa uwaba umuntu, Kristu!

159 Bena bonaula inshila shakwa Lesa. Baleka abantu baisa mu chalichi, abanakashi ne mishishi yaputulwapo, nababika naba-kalaso, ukufwala ifyakufwala fimoneka ifyakusungusha ifyabipa. Abaume abapilibuka ukuba abanakashi, ukuleka umwanakashi ukulabatungulula nabatinta ukutwi. Baisa ku chalichi, nokulateya bunco na bingo, kabili no musango onse uwa fintu fyaonaika. Naba kashimikila nafimbipo bali kululamba, pamo nabanakashi baali ubwamba abafwele ifyakusambilamo kabili balesamba, balepepa ne mishanga, kabili nokulaita abene palwabo ukuti “ababomfi bakwa Lesa”; lintu ili tempele litempele lya mushilo ilyabikwa kuli Lesa, teku fiko fyakowela ifya mwi sonde. Ico ca cine. Lelo balibula amabwe yauma umutengo aya kwa Lesa no kupangamo kapoli ukufuma muli yena, nangu mumbwe, nangu imbwa, nangu akanama kanunka akashela, nangu icintu cimo, kabili nokufilisha fyena kuba shasambilila, abashaishiba.

160 Natotela, Doc. Nacikwata kamo kuno lelo Nshacitontokanya palwa kukabomfya, akatambala.

Ee, cilya eco bacita. Irenaeus ali—ali uwalungika nganshi.

161 Cinshi ico Lesa atontokanya pali ifi fyonse? Bushe cili ngefyo balefwaya ukulanda, “Oh, tacile musakamika Ena”? Tacili nomulandu kuli Ena! Cili nomulandu.

162 Cinshi ico Aebele Yeremia ifintu ifyo Acitile lilya? Mulandu nshi Asosele cilya? Cilasakamika. Lesa alikwata inshila.

163 Nga cakutila Mose atile, “Nalafulako icisote candi mucifulo ca nsapato shandi”? Ena ngatamwene icimonwa. Imwe mulingile ukwisa mu nshila yakwa Lesa. Lesa alikwata inshila.

164 Kuli ifingi ifyo twingasosa. Lekeni tupilibwile fye ku Malembo yamo apa. Ninkwata ayengi pali yena ayalembelwe. Natupilibule ku Mpendwa 25, pakashita akanono. Impendwa 25, tumone ngacakuti cena—cena cilesakamika icili conse kuli Lesa, nangula iyo. Lekeni tumone nga cilecita, nga cakutila ifi fisumino, ifishilano (kabili na fimbipo) filasakamika. “Ena ni Lesa umusuma, Taloleshako ku cintu conse.” Ena tacita ifyo! Alabika umushilwa kabili alashila uukalamba, kabili iwe ufwife waisa fika pali Wena.

Kabili Israeli aikele mu Shitimu, kabili abantu batendeke ukucita bu cilende pamo nabana abanakashi abakwa Moabu.

(Umfweni!)

Kabili baitle abantu kwi lambo lya tulesa twabo: kabili abantu balilile, no kufukamina tulesa twabo.

Kabili Israeli ailundile umwine kuli Baali-peori: kabili ubukali bwakwa SHIKULU bwaimine Israeli. (Emulandu wine Atile “Mwipepela abantu ba musango uyo”! Huh?)

Kabili SHIKULU atile kuli Mose, Bula bonse ba kapitao ba bantu, nokubatanika ku cinso cakwa SHIKULU ukubaloshi kukasuba, ukutila ubukali ubwakutinya ubwakwa SHIKULU bwingafumishiwa pali Israeli.

Kabili Mose atile kuli bakapingula bakwa Israeli, Ipayeni cila umo uwakwe umuntu uyo...uwailunda kuli Baali-peori.

165 “Ipaye cila umo muli bona!” Lesa alefwaya ukuba Lesa, kabili nga Ena te Lesa Ena takabe icifulo ica bubili. Tafwile aleka Baali (kabili nefishilano fyapangwa nomuntu, kabili nefyakulandafye fimo ifya muntu umo, nangu itontonkanyo limo ilya busumino, nangu itontonkanyo limo ilya—ilya cilonganino) ukwiminina mu nshila Yakwe, Ena ni Lesa kabili Ena ali uwalinga kuli aya mabwe ukwimya abana kuli Abrahamu. Ena talingile ukukwata ifilonganino fyenu. Ena talingile ukukwata utubungwe twenu utukalamba na masukulu yenu ne fintu. Abulafye ico Ena engabula mukuboko Kwakwe, ico tacili nangu cimo, aputamo umupu wa Mweo muli cina kabili caba icintu cimo icili nokumubombela Ena. Ico cimupanga Ena Lesa. Mucituntulu, cilaba icamulandu kuli Lesa.

Mutula, “Cena tacakwata umulandu.” Tacakwata umulandu! Mucituntulu, camulandu.

166 Papa Leo Umukalamba, atekele ukufuma mu 440 ukufika mu 461. Oh, atontonkenye ena alecita cilya cine ico icali

icalungama, aishile mu lukuta . . . Kuntanshi yakwe kwali Victor, kabili ali ni koswe, nao. Kabili aingile mukati mulya, kabili ifyo aipeye abena Kristu nafyonse ifyashala.

¹⁶⁷ Kabili nomba ninani watampile fyonse ifi, ukucibika cena “ukwasuminishiwa” ukwipaya? Namwishiba untu ali? Uwashila Augustine waku Hippo, uyo bwino bwino fye ewacitile ico.

¹⁶⁸ Uwashila Augustine alikwete ishuko umuku umo, efyo ilyashi lya kale lisosa, ukuba umuntu umukalamba kabili ukwaisushiwamo no Mupashi wa Mushilo. Aikele kunuma yalubansa kulya, mu Lyons, France, pali lilye isukulu ilikalamba apo Irenaeus asambilishe, na bonse na Martin Washila. Ena aikele muli ulu lubansa lwapa sukulu kabili na Mupashi wa Mushilo aishile kuli ena, lelo alikene uku Mupokelela.

¹⁶⁹ Nomba asangwike cinshi? Imiku ibili umwana wa kumbo ukucila pafyo ali mukubalilapo, ailefye kulya kwine ku Hippo, Africa, kulya apangile isukulu yakwe. Kabili lyena lyali . . .

“Nangisha!”

¹⁷⁰ Kuti namitwala kwi lyashi lya kale. Eumo uwa shininkishe icebo cakwe kuli cilya, ukutula “Cali icalungama ukwipaya onse uwabufi uwingakana ukusuminishanya ne fishilano ifya lukuta lwa Roma,” Uwashila Augustine uwa ku Hippo. Bushe kuliko kasambilila wa Baibele muno, nangu umuntu umo uyo uwabelenga ilyashi lyakale, alishiba ukutula cilya cishinka, imyeni ukuboko kwenu? Ee, mwamona? Mucine bena efyo baba. Uwashila Augustine uwaku Hippo, eumo uwasuminishe ubupingushi ukutula “Califye bwino ukwipaya ababufi abo abashasuminishenye ne chalichi lwa Roma.” Ukubasuminisha bena isambilisho lya busenshi, ilyakufumako kuli Baibele, kabili nokupanga ukupepa kwa lesa- mwana. Mwalishiba umulandu ubwina Kristu bwaba . . .

¹⁷¹ Namwishiba uko mwafumishe Ciminshiminshi? Kristu afyelwe mu April, lelo ni cinshi ico bacitile? Imibombe ya kasuba ileya ilecepelako nomba ilyo cena cilefumapo, cila bushiku ukuya bulelepelako panono, nangu ukwipipilako panono, kabili ukwipipilako panono, kabili ukufuma pa bushiku bwalenga amakumi yabili ukufika pa bushiku bwalenga amakumi yabili-na shisano elintu lesa-akasuba akwete ubushiku bwakufyala kwakwe. Palifye limbi inshiku shisano palya, lilya elintu bakwete ubwangalo bwaci Roma muli ilya nshita, ukusefya kwa bushiku bwa kufyalwa kwa lesa-akasuba pali ilya nshita. Kabili nomba mwamona ico mukwete nomba? “Batiile cilengeni cena ‘lesa-akasuba,’ tucitwale muli ‘Umwana wakwa Lesa.’” Kabili icintu conse busenshi mukubalilapofye! Kabili abantu mu misebo ne nsapato shabo-ishitali, kabili bena baleshana ukuya mumisebo, nokulabutukila mumashitolo.

¹⁷² Kabili kuno ubushiku bumbi umukashi wandi alenjeba, “Umo atiile, ‘Nshishibe ifya kushitila ba Taata.’ Atiile, ‘Munyina

wakwe ali nokubashitila ibotolo lya whiskey, kabili umbi atiile ali nokubashitila champagne.’ Kabili umo atiile, ‘Ukuba, Ndi nokubashitila pa—paketi ya njuka.’” Ukusefya ukwa Ciminshiminshi, kwa busenshi, ukupepa-iciwa! Cisuma.

¹⁷³ Lelo Augustine alicisuminishe. Nga mulefwaya ukusontelela kuli ici muli Schmucker, ukulemba kwakwa Schmucker, S-c-h-m-u-c-k-e-r-s, ilyakwa Schmucker *The Glorious Reformation*, ifi eflyo lyasosa, ukutila “Ukufuma panshita ilyo Uwashila Augustine waku Hippo apele ubu ubupingushi kuli chalichi ya Katolika, cena caposele ifibi ukuba ifyaisuka nganshi kuli bena ukwipaya icili conse ico balefwaya pali ilya nshita nomba, abo abalekana cilya icalichi ca busenshi. Kabili ukufuma pa nshita iya Washila Augustine, limbi imyaka imyanda itatu panuma yakwa Kristu, mpaka 1850, ukwipaya ukukalamba ukwa mu Ireland, kwaliko ba milioni amakumi cinekonse konse na mutanda aba Protestanti abaipaiwe na chalichi ca Katolika. Ico caba mu Roman martyrology, ‘Ama milioni amakumi cine konse konse na mutanda.’” n Nomba ukutalikishanya na kalemba we lyashi lyakale, ena eulya uwalandile ico. Ndebwekeshapofye icebo cakwe. “Uuli onse uyo uushasuminishenye ne cishilano ca Katolika!”

¹⁷⁴ Teba *katolika*, ishiwi katolika, bena—bena talyabalinga lilya ishina. Bena ba Roma abasenshi.

¹⁷⁵ Te balya bantu abasuma. Mwaliba amakana amakumi namakmi ya bantu mulya, ababafye abacishinka nga bena. . . nga bambi bakapepa watulubi baba. Batontonkanya ukutila balepepa Lesa, ilyo (ukubwekela ku Cebo) bali mu kalubi no tulubi pa cifulo conse. Mwamona!

¹⁷⁶ Nacilungama, cena cali cishi- . . . cishilano, ifishilano fya ci Roma. Kabili, kutikeni, Ndefwaya ukulanda icintu cimo pano. Nacitolokela cilya.

¹⁷⁷ Mu mwaka wa 1640, mu mwaka wa 1640, ilyo ukwipaya kwamu Ireland kwatampile, pesamba lyaba bakateka baiminina pa cishinka aba ci Roma naba shimapepo, wanu andeleti sausande uwaba pilibulwa abapa Washila Patrick balipaiwe. Nga Patrick Washila ali ni Katolika wa ci Roma, nomba mulandu nshi baipaile abantu babo abene? Balya bali abantu abalebomba mulya bapangila ifintu, ne fintu fyonse. Ico cishinka. “Amakana umwanda umo,” pamasambililo ya bafwilile pa cicetekelo cabo, “abo baipeye pantu tabasuminishenye ne sambilisho.”

¹⁷⁸ Naliyako kuli yamo ama chalichi ya kwa Patrick Washila mu Northern Ireland. Ee, mukwai. Nalikwete ishuko lya kumona cilya. Cena califye iciputa cakale icikalamba. Tabakwete tulya utulubi utwaiminikwa, nokupongolwela ifintu pamakasa yatuko, no kulipilila balya bantu ukubwelela no kwingila muli kalya kalubi. “Maria, nakucelela, Maria, na nyina wakwa

Lesa,” icintu cimo cine nge fyo bacitile kuli Astarte (ukulowa), umupashi wakwa Maria.

¹⁷⁹ Ibiibilifye nangu imyaka itatu iyapitapo ichalichi ca Katolika catendeke icishilano icipya ukutula “Maria alibukile ku bafwa kabili aliya mu Muulu.” Nibanga abaleibukisha ico? Oh, bonse imwe muleibukisha, icine cine, amapepala yaiswilwemo ico. Ifishilano! Cena cakulwa pa fishilano, kabili tamwaba nangu limo itoni lya Cishinka muli cena conse.

¹⁸⁰ Nomba, imwe ba Protestanti muli fye ababipa, abo abakana ukusenda i Cebo cakwa Lesa. Cena cishilano ca lukuta lwa Protestanti umusango umo wine nge cishilano ica chalichi ca Katolika, kabili ifwe bonse tuli mucilubo mpaka twabwelelamo ku Cebo cakwa Lesa uwa mweo! Cisuma.

¹⁸¹ Imwe ba Assemblies of God, imwe ba Foursquare, imwe ba Pentecosti oneness, threeness, nangu conse ico mwingaba, bweleleni ku Cebo cakwa Lesa! Leken i fimo ifi pano ifya tulubi twa filonganino, ifyabumbwa ifya mu filonganino. Balailowa abene beka (umupashi wakwa ciwa) muli utu utulubi twamu filonganino. Bushe mwalishiba ico? *Icilonganino* caba “ka lubi”!

Mwatila, “Bushe uli mwina Kristu?”

“Ndi Presbyterian.”

“Bushe uli mwina Kristu?”

“Ndi Methodisti.”

“Bushe uli mwina Kristu?”

“Ndi Pentecosti.”

¹⁸² Ico tacipilibula nangu cimo ukucila pafyo waba uli “kapoli” nangu “imbwa” nangu “imfungo,” tacakwata nangu cimo icakucita neco. Ico nacilungama. Ico tulekabila ilelo ni: kubwelela ku Cebo cakwa Lesa!

¹⁸³ Nomba, pali aba bonse ababomfi bamu matuka abantu abasuma mu Northern Ireland, nga Patrick Washila... uko ama sukulu yakwe yonse yali. Namwishiba, ishina lyakwe talyali ni Patrick? Ishina lyakwe lyali ni Succat. Bamufyushishe ngo mulumendo umunono; inkashi shakwe shalipaiwe. Kabili abwelelemo, pantu alekansa imbwa ukulabutusha bakapoli na fimbi po, eico ena—ena—ena—ena acitile, ilyo acitile cilya, nomba bena... asangile inshila yakubwelelamo ku mwabo kuli ba wishi na banyina. Kabili ena atendeke isukulu. Kabili isukulu mu Northern Ireland talyatalile sumina papa nga umukalamba uwimininako Lesa pano isonde, tabacetekele ico. Bena baikele ne Cebo. Lesa apale ulyo washila uwapalwa, Patrick Washila, umuntu umukalamba.

¹⁸⁴ Kabili mulabomfwa ukulanda ati “Uwashila Patrick alibutwishe shonse insoka ukushifumya mu Ireland.” Belengeni iyashi lya kale no kumona ifyo cali. Patrick Washila acetetekele

mu kulandila mu ndimi. Patrick Washila aceteketele mukubula nokwimya insoka nangu ukunwa ifintu ifipaya; kabili ilyo alebula insoka nokushiposa ukushifumya munshila yakwe, batiile, “Abutwishe insoka ukushifumya mu Ireland.” Cali ni pa mulandu wa kutila aceteketele mu kubula nokwimya insoka, kabili tapali nangu cimo icinga bacena. Ee, oh, mucine.

¹⁸⁵ Bena tabakwete balya. . .ishi ishikalamba imfuba. Kabili ni cinshi ico—ni cinshi ico uwashila. . .Ni cinshi ico Irenaeus engacita ileelo? Ni cinshi ico Uwashila Patrick engacita ileelo, ukumona imyanda ya mintapendwa yama dollars iya bikwa muli bu Katolika bwaci Roma, kuku kula ama chalichi ayakalamba ne fyakubumba ifyama dolla-ama milioni na fyonse umsangofye umo wine ngefyo ba protestanti balecita?

¹⁸⁶ Nalilanda ubushiku bumbi kabili cena cacitikishe umuntu onse, ulya emulandu wine Njikatilile iyi tepu. Imwe kubalekafye beka, impofu itungulula impofu inankwe, lekeni baponene mu cilindi. Cilya ecintufye cimo ico mwingacita, mwamona. Ilyo Nabebele palwa bwite bwa kucipailo, takwaliko icintu ica musango ifi muli Baibele nga “ubwite bwaku cipailo.”

¹⁸⁷ [Tapali amashiwi pali tepu—Kale]. . .ica mushilo Wakwe. Pa kuicefya fwebene kumfwa Yakwe, ukuimona fwebene ukutila tatuli nangu cimo, elyo Mupashi wa Mushilo esa muli ifwe nokutusumbula. Kabili tatusubila muli ifwe fwebene, pantu tekuti tucite nangu cimo, lelo pamo na Ena kuti twacita ifintu fyonse.

¹⁸⁸ Ifwe, mucipasho Cakwe, icipasho ica mweo icakwa Lesa uwa mweo. Cinshi ico ucita iwe. . .Lintu wacimba palobe kuli Lesa kabili Lesa aisa muli iwe, cinshi ico cikupanga iwe? Icipasho ica mweo icakwa Lesa. Te cabumbwa icafwa icabikwa mulusoso; te cilonganino kulya ku cisaka ku Washington, mulya mu—mulya—mu mulya—mu Kumana akapi kama Chalichi; huh-uh, iyo, ico cibumbwa icafwa, icibumbwa icafwa na masambilisho ayafwa. Lelo icipasho ica mweo mu muntu umo!

¹⁸⁹ Umo muntu alesambilisha ubushiku bumbi, nangu alikwete akapepala akanono, kabili umuntu umo asosele ukutila “Ngo muntu tapuswike, kabili. . .Ngo muntu alipuswike kabili umukashi wakwe tapuswike, bushe kuti baya mu Kusendwa? Umwanakashi teti aye mu Kusendwa, teti kube icintu ca musango ifi ngo mwanakashi ukuya mu Kusendwa pantu bena bali umo.” Ubuwelewele! Yesu atiile, “Kukaba babili mubusanshi, kabili Nkasenda umo no kusha umo.” Cena ni cila umo umo pakati kobe na Lesa, ukupela umubili obe; nangu ba mayo, ba tata, abana, icintu icili conse icashala ba cilepokelela Cena nangu iyo. Amen!

¹⁹⁰ O mwe Lesa! Ici icaonaika, icafiko, icalo catapa; aya ayafiko, ayatapa ama chalichi ayetwa ayetwa-fwe amachalichi; utwa fiko, utwatapa utubungwe; aya ayafiko, ayatapa amasambilisho

ayalwisha i Cebo cakwa Lesa. O mwe Lesa, leteni umuntu umunono uwaicefya ku cifulo cimo no kubasangulula, no kubasumbula mu ncende sha mu Myulu no kuilangisha Mwebene, Lesa uwa Maka yonse. Ameni. Ifyo caisa sanguka icintu cabipa!

¹⁹¹ Ifwe twalilengwa ukuba abakumako ku mushilo Wakwe. Ifwe, mucipasho Cakwe, ifwe tuli fipasho fya mweo ifyakwa Lesa uwa mweo. Nomba, abafwa kuli ifwe fwebene, ababushiwa pamo na Ena, (nomba kutikeni, kutikeni kuli ifi), i Cebo Cakwe ukupangwa umubili nakabili muli *ifwe*. (Oh, Munyina Neville!) Lolesheni! Cena ni cinshi? Te fyakwelenganya, lesa uwa kwelenganya ukwikala kulya lubali, lelo Lesa uwa mweo. Ni cinshi Lesa uwa mweo? I Cebo muli imwe ukulenga Icline icituntulu. Whew! Ubukata kuli Lesa! Owe, Ninjishiba muletontonkanya Ndi kakunkuluka wa mushilo, nalimo eflyo Naba. Lelo, oh, munyina, bushe ulecimona? Ukucimfya pa cilonganino conse, ukucimfya ubusenshi bonse, Lesa uwa mweo ukulengwa ukumonekela mwi tempele ilya mweo, kabili i Cebo cakwa Lesa (ico icili ni Lesa) capangwa umubili muli imwe. Cinshi? Imwe na mwikala mu ncende sha mu Myuulu, abacimfya ifintu fyonse, muli Kristu Yesu. Ameni!

Oh, Nalitemwafye Cena. Ningile ukutolokela icintu cimo no kutwalilila.

¹⁹² Nomba, kutikeni. Nomba paba cepeshapo pabacetekela Bakwe, temulandu ifyo—ifyo inshita ingalepa, nangu nani—nani, umunono, nangu icili conse iwe uli, abacepeshapo paba cetekela Bakwe (muli Ena) balikwata ububi bonse pesamba lyabo. Mwamona? Lolesheni! Kristu e Mutwe wa Mubili. Bushe ico cishinka? Cisuma, konse uko Umutwe uli umubili uli pamo na Wena. Ubukata! Uko umutwe wandi waya ulasenda umubili wandi pamo. Kabili ukuli Yesu, i Chalichi caba pamo na Ena. Ameni! Tafuma pa Cebo Cakwe; Ekala mu Cebo Cakwe, alolekesha pa cebo Cakwe, ukucilenga Cena ukusokololwa. I Chalichi Cakwe luba pamo na Ena.

¹⁹³ Kabili, lolesheni, mutila, “Lelo, Munyina Branham, Ndi umo uwashalikishapo.” Ico eclipapa ca makasa Yakwe. Lelo, ibukisheni, Ali cimfya pamo naimwe, ukucimfya pamo naimwe pali konse akanono ka ico, naimwe muli fipapa fya makasa Yakwe. Ubulwele bonse, kasebanya onse, amaka yonse, nangu ni mfwa ine, yaba pesamba lya makasa yenu, pe samba *lyenu*. Ubukata! Nshile umfwa kwati Naciba na makumi yasano na ibili muno lucele. Ici Cishinka. Ngakuti Nalengafye ici chalichi ukumona cilya, munyina, tuba ichalichi icacimfya. Abacetekela muli Ena, bonse ububi pesamba Lyakwe. Oh, ubukata!

¹⁹⁴ Nalaiminina panono, Ndi nokukonkanyapo nakabili inshita iili nokukonkapo.

¹⁹⁵ Umfweni, kutikeni kuli ici. Mutila, “Munyina Branham, Nshakwata amaka.” Naine Nshakwata. Nshakwata amaka nangu yamo. “Ukuba, Munyina Branham, Ine nshakosa.” Ifyo fine efyo Naine ndi. Lelo Nshileshintilila mu maka yandi, te maka yandi. Ndeshintilila pa nsambu shandi, mwamona, insambu ishapelwa kuli ine. Teine *naba* uwakosa, Nshakosa. *Ena* alikosa, kabili Ndi—Ndi Wakwe.

¹⁹⁶ Pano, ngefi, tulande icakumwenako, pano pali imyotoka ishileisa mumusebo, pa Fourth na Broadway mu Louisville, “zoom, zoom, zoom, zoom,” ukubutukishafye ngefyo shingacita, ba mailoshi sikisite pali ora umo mulya mumusebo, shonse isha angufyanya, mubwingi, ne chongo. Umuntu umo umunono aenda ukuya palya, ainya ukuboko kwakwe, kabili, munyina, ama buleki yashelela. Ukuba, ulya muntu umunono takwete amaka nganshi ayakwiminika nangu imo pali balya ba motoka, lelo nakwata insambu. (Ubukata!) Te maka yakwe. Ukuba, nga umo uwa balya ba motoka kuti amupunka, yena kuti ya musasaula ena. Lelo lekeni emye ukuboko kwakwe! Cinshi? Banamutekenya baba motoka nabeshiba ilya uniformu.

¹⁹⁷ Oh, munyina, nabeshiba ilya uniformu, ama buleki kushelela. Mulandu nshi? Lolesheni pa nsambu shakwe. Lolesheni icili kunuma yakwe. Imibombele yonse iya musumba ili kunuma yakwe. Amafunde ya musumba yali kunuma yakwe. Ilya uniformu ileimininako cilya. Ali uwaibela, ee, mukwai, pantu ena mushilika.

¹⁹⁸ Abilikisha, “Iminina!” Ukuba, umo pali ba motoka aya “zoom,” nokumusendafye ngefyo. Lelo bena tabalingile ukweshia cilya, moneni icili kunuma yakwe. Bali nokulisha amabuleki noku shelela. Talingile nokulandapo icinu nangu cimo, kwimyafye ukuboko kwakwe. Cilya ecicita ico, mucine. Insambu shakwe shaisa ukufuma ku mulimo wa mafunde, fyonse fyaba kunuma yakwe. Palwakwe, takwete amaka, lelo cinshi cili kunuma yakwe? Lulya lutanda nshi. . . ukufwala kwakwe, ena nafwala uniformu.

¹⁹⁹ Filya efyo i. . . te kalubi, lelo ifyo muntu umo alingile ukufwala. Leken i tufwale icakucinga icifuba conse icakwa Lesa, ameni, icisote ce pusukilo, ici cishangu icikalamba (umushinku wa cibi) uwa citetekelo. Oh, munyina. Te fintu aba, lelo ifyo emininako.

²⁰⁰ Cilya eco ulya umushilika. . . teulya umuntu umunono uwiminine palya, ena muntufye yawe yawe, lelo ifyo emininako!

²⁰¹ Icacucinga icifuba Cesu ni Yesu Kristu. Ee, mukwai. Ifiwa fyonse telelesha ama buleki yafiko ilyo fyamona Cilya. Ilyo fyamona cilya icacucinga icifuba icapwililika icakwa Lesa, ulubatisho ulwa cine ulwa Mupashi wa Mushilo, ameni, ico Icamwenwe cileisa mukulungatana ukufuma ku Cipuna

cakwa Lesa, nacifwala ne cekucinga icifuba icapwililika ica bututubuko Bwakwe. Amen.

²⁰² Te kutila *muli* ba maka, imwe tamuli nangu cimo, ni cilya icaba kunuma yenu. Mulandu nshi? Muli abafwa. Waingile mu mulalo waba bulwi, walingila muli bu kapokola, uli nokusunga amafunde nokutungulula ifi ifiwa. Ico cishinka, imwe mwaba muli bakapokola, icintu conse cili kunuma yenu. Mwamona, imwe muli abafwa, imwe tamuli nangu cimo, imwe tekuti muleshe nangu cimo. Lelo insambu shenu isho ishapelwa kuli imwe, pantu imwe mwalibushiwa no kwikala mu ncende sha mu Myuulu muli Kristu Yesu, ciwa alishiba ico. Fyonse filatelele ama buleki yafiko ilyo amaboko yaima mumulu.

²⁰³ Uwashila Martin, inshita imo mu cilye... Kwali umuntu umo kulya uwa busanso (ciwa), alesumaula iminofu iikalamba ku bantu ngefyo, kabili abantu balebutauka, alefwaya uku bepaya. Aputwile icikalamba ukwisu... alikwete ifimeno ifitali ifikalamba, amen, alesunsha imipusa iikalamba iya minofu nga filya ilyo ale angala.

²⁰⁴ [Tapali amashiwi pali tepu—Kale]. . . muli bakapepa. Kabili ne nshiku isho alemona kuntanishi, nokwishiba ukutila cali nokuba muli uyu musango, ilyo Ena Umwine ali no kufumishiwa mu Chalichi Cakwe Umwine, ichalichi ca Laodikea. Atile, “Mona, ni Njiminina pa mwinshi no kukonkonsha.” Kalya akabungwe kali mutamfishe Ena, kabili nabacicita ileelo, lelo Ena naiminina pa cibi ku kukonkonsha.

²⁰⁵ O mwe Lesa, lekeni ba membala ba Mubili Wakwe beluka ileelo ukutila tuli mu Chalichi aba cimfya. Ifwe tuli—ifwe tuli muli Kristu. Ifwe natwikala pa mulu wa ifi fintu fyonse ifya mwi sonde.

²⁰⁶ Mulandu nshi abanakashi besu benga fwaila ukubeya imishishi yabo? Lesa wesu, cena cilangishafye ukuti ifintu fimo fyalilubana. Mulandu nshi benga fwaila ukuilangisha abene mufintu fya mimonekele-yabulalelale? Mulandu nshi abantu besu benga kwatila insala mu mitima yabo ukulaumfwa ku—ku muntu kwati Elvis Presley nangu—nangu bamo abo ba Ricky, nangu ifyaba ngefyo, baiminina palya ne cilimba cansale icakale kabili nakulya ukwimba kwe shiwi lyapa muulu ukwakale nokuleka abakashana besu imisepele ukulasunsha nokulatinta ifyakufwala fya mukati ukufula, ne fintu? Lesa wesu, kabili nombamba ulya mulumendo nokulanda ukuti ni Pentecosti! O mwe Lesa, cinshi. . . Lolesheni pali uyu Pat Boone uyo alanda ukutila wa mu Church of Christ kabili nefi fyonse ifyabipa, ifyafiko ifintu. . . O mwe Lesa, ukulaita umwine eka “ukufuma mu Church of Christ.”

²⁰⁷ Lesa wesu, twailuka ukutila icakwishibikilwa ica nsambu te Shina Iya cilonganino, lelo yena maka—amaka yakubuka kwakwa Kristu muli cila umweo wa umo. Lesa wesu, lekeni

aba abantu abali pano muno lucelo balwishe ukwingila mukati Mulya. Kabili iyi tepu ngakuti yaya mu calo uko ukuli abantu, Shikulu, lekeni beshibe ukuti yena tayalandile ukuba ububi, pantu kuti Ine naba mucilubo palwandi, lelo ukuti i Chalichi cingaba muku cimfya no kwiluka incende yaciko. Ukutila bena bengamona apo apali fyonse, ifilubi. . . Umo i chalichi caba Katolika caisa pambilibili nokucipanga cena “aka lubi,” ba Protestanti bena bacipanga “akabungwe,” kabili ukubafye ababipa pamo; ukukana i Cebo, “Ukukwata imibele iyabukapepa, lelo ukukana Amaka yabuko.” O mwe Lesa, ifyo i Cebo Cenu caba ica cine, i Cebo conse!

²⁰⁸ Nomba twapepa, Taata, ukutila Mwala twelela ku membu shesu, kabili lekeni iyi Mbila ingile mukushika mu mitima. Kabili lekeni abantu. . . Lekeni ici chalichi, nga fintu ili ilinono i hema nomba lili mubutantiko bwa makule ubwa kukula ichalichi, lekeni ukuti bena tabaloleshe ku cintu cimo icisuma, lelo icikulwa icalinga icakubamo abantu. Lesa wesu, lekeni ukuti bena tabafwile ukuya nokulanda ukuti, “Ifwe tuli ba mwi hema ilikalamba ilyakwata umutenge washinguluka pali lyena.” Lesa wesu, lekeni lyena ukuba iciputa icishabapo nangu cimo. Lekeni bena ukuti tabalekele ukulolesha pa Cipe, ico ni Yesu Kristu. Lekeni Ena ukuba Umo uyo uufwile ukwisusha itempele lyabo, kabili nomba amaka no mulilo wa Mupashi wa Mushilo ukuponena pa cipailo ca mitima yabo. Mulya emwaba icipailo icine cine, Shikulu, ewaba mu mutima wacila umo.

²⁰⁹ Napepa muno lucelo ukuti ici Cebo calaba mumaka pa cipailo ca cila mutima mpaka bena bekaba aba kufumako kuli Cena, ukutila bena bengaba mu mano ayatuntulu kabili abaibukila ku Mbila nsuma, ukucetekela Ifyebo; tekwisula imitima yabo ku maka ya ngulu (nangu ifyakumfwika, nangu ukulabilikisha muka lishiwi kapamulu, nangu ukutolauka, nangu—nangu ifyakuilangisha, mu maka yamo ayamu mubili, nangu ifintu fimo ifyaba kwati ngefyo), lelo kuwa cine, ukutemwa ukwine kwine ukwa Mupashi wakwa Kristu, umo Ena aisokolola Umwine mukutemwa na maka.

²¹⁰ Fikilisheni ico, Shikulu. Undapeni abalwele naba letitikishiwa. Twaipushisha mwi Shina lyakwa Yesu. Ameni.

Nalimutemwa Ena, Nalimutemwa Ena
Pantu Ewabalilepo ukuntemwa
Nokushita ipusukilo lyandi
Pa cimuti ca Kalbale.

. . . Nali Mutemwa
Pantu Ewabalilepo ukuntemwa
Nokushita ipusukilo lyandi
Pa cimuti ca Kalbale.

²¹¹ Ne mitwe yesu iyakontamikwa, nibanga balabika imilimo yabo pa cipailo nokuileka ukuba ibala lyakwa Lesa, ukutila

Abyalemo ulubuto lwa Cebo Cakwe pa cipailo ca mutima obe, ico icifwile ukuleta umweo waku buka kwakwa Kristu? Bushe kuti mwaimyako amaboko yenu nokutila, “Lesu, Ndekabila ici no mutima wandi onse”? Lesu apaale imitima yenu yonse iili nensala, iingi ukukonkana ne iingi.

Sheni ico palya, cishenifye palya,
 Twaleni icisendo cenu kuli Shikulu no kucisha
 palya pene;
 Nga cakutila twacetekela noku kana twishika,
 Aali icine cine nokutufumyamo;
 Natutwale ifisendo fyesu kuli Shikulu nokusha
 fyena palya.

²¹² Umo mwine mu mutima obe, ibukisha Kristu Umupusushi, ibukisha Afwilile iwe. Kabili nga cakuti kuti wafwa kuli iwe wemwine, ico calaisula umubili obe, calaisula umweo obe, calaisula umutima obe ukufumyamo ifintu fyonse ifya muli lino isonde ne fisuma fyonse ifya ciko, nombu Kristu... uuli nokwima pamo na Ena.

²¹³ Nga cakutila tawabatishiwa mwi Shina lyakwa Yesu Kristu, kuli icishiba iciswilemo amenshi pano. Kabili ngawafuma muli yalya amenshi, iwe ulefuma ukwenda pamo na Kristu mu mweo uupya. Iwe ninshi naufwa nombu, tauli filya wali... ukufulwa nafyonse nafiya. Iwe uli cibumbwa cipya muli Kristu. Nombu Ena akwimya mu muulu na Mupashi wa Mushilo nokukubika mu ncende shamu Myuulu pamo na Ena umwine, ukucilapo pa maka yonse aya muli lino isonde.

²¹⁴ Temulandu nefyo wingaba umunono, ngakuti uli mwanakashi umunono umubomfi wapa ng’anda, nga cakuti uli—nga cakuti ulifye munyina ulya ushakwata uwakwe... uushaishiba ABC’s yakwe, tacilepangapo ubupusano pafyo waba. Iwe waba muli Kristu, ukucimfya pa fintu fyonse. Kabili insambu shobe shaba pangulu yonse napa maka yonse ayo ciwa akwata. Iwe waba muli Kristu, walicimfya.

Ilyo imwe mukontamikeko imitwe yenu:

²¹⁵ Ninjishiba ukuti kuliko munyina uwishile kuno muno lucelo, Munyina Slink (Nincetekela ba mwita “Sink, Jim Sink”), untu Ine ncetekele ukuba... Kabili munyina wesu pano aishibikwa ukuba kafundisha waici Cebo. Bushe ico tacilungeme, Munyina Sink? Twalabika amaboko pali ena muno lucelo ilyo fye tatula pepelako abalwele, ukumulashika nga kapyunga (umo pali ba munyina wesu) ukuya muma chalichi ukushinguluka i Mbila nsuma.

²¹⁶ Munyina Jim Sink, bushe kuti waisa kuno ku cintamba ku cipailo? Isa, Munyina Neville. Munyina Junie Jackson, bushe uli pano? Nabonse ba kapyunga ba muli cino Cicetekeo?

²¹⁷ Munyina Jim Sink pano acetekela muli iyi Mbila nsuma iyo tushimikila, Umwana wakwa Lesu, twacetekela ukuti Ena

icine cine Mwana wakwa Lesa uwafyelwe-kuli na cisungu. Bushe ico nacilungama, Munyina Sink? [Munyina Jim Sink atila, “Ameni.”—Kale.] Wacetekela ukuti Ena alifwile nokwima nakabili pabushiku bwalenga shitatu, acimfishe ifintu fyonse, kabili aikala kukuboko ukwa kulyo ukwakwa Lesa, pakati ka maka yakwa Lesa mu Muulu, uwikala lyonse ukutupepelako ifwe? [“Ameni.”] Bushe walicetekela mulubatisho lwamu menshi mwi Shina lyakwa Yesu Kristu ku kwelelwa kwa membu? [“Ameni.”] Bushe wali cetekela mukubatishiwa na Mupashi wa Mushilo nga fintufye Lesa aupela Wena, ne fishibilo ne fisungusho ukukonka uwacetekela? [“Ameni.”] Alicetekela ico. Kabili Nincetekela ukuti aali kwete umweo ulya ushingaleta umusebanya ku cinso cabantu. Ena ashimikila pamo pa chalichi, ilingi line pano kuli bena, kabili Nalisanga ukuti, “ena mubomfi wakwa Lesa umusuma.”

²¹⁸ Nomba, kuli ici ichalichi, bushe kuliko ishiwi ilili lyonse muno, ku muntu onse ukwete ishiwi iliyapusanako ukulola kuli Munyina Sink? Landa ico nombaline nangu wikale tondolo. Nibanga abacetekele ico pakushimikila kwa iyi Mbila neci Cebo ico Munyina Sink... kabili bushe mwalicetekela ukuti ukupitila mu bunte bwa Mupashi wa Mushilo, ukuti Munyina Sink afwile alashikwe nokutumwa ukufuma pali cino i chalichi nga kapyunga uwa Mbila nsuma, ukuya mukubila ishi Mbila kwati nga fintu yacibilwa muno lucelo, kuli yonse incende iyo engayako mwi sonde Shikulu kuti amutuma ena? Imyeniko amaboko yenu nokutula, “Ndinokula kupepelako, Munyina Sink.” Lesa akupaale iwe.

Natukontamike imitwe yesu.

²¹⁹ Munyina Neville, nga cakuti kuti wabika amaboko yobe pali Munyina Sink ilyo kumo ubike pali Baibele.

²²⁰ Taata Wesu mweba mu Myuulu, twaleta kuli Imwe, muno lucelo, umuntu uyo uletelwe ukufuma mwi sonde ilyaonaika, ali ilenga umwine ukuba uwafwa kunwine kabili alipokelela Kristu ngo Mupusushi, aali batishiwa mwi Shina lyakwa Yesu Kristu, abushiwa no bulayo bwakupokelela Mupashi wa Mushilo, kabili nomba aali mufifulo fya mu Myuulu, kabili aleumfwa ubwite pa mweo wakwe kubupyungishi.

²²¹ O mwe Lesa, nga bakalamba bacino chalichi, nga ibumba kabili ba kacefya bafyonse nefyaba ngefyo, ukumona pa mukuni uyo untu Mupashi wa Mushilo utupela ukusunga, umukuni nawimya amaboko ukwishiba ukuti Munyina Sink, “ukuti muntu umulungami,” eico twabika amaboko yesu pali ena, nga Munyina Neville na Ine, ngafwe bakalamba Benu, kabili namuli ici twapepa ipepo lya cicetekelo kabili noku mulashika Munyina Jim Sink mu bupyungishi bwakwa Yesu Kristu. Fikilisheni ico. Lekeneni esulemo na maka yakwa Lesa. Lekeneni ukuti ena tafwile ukumfwana. Lekeneni aleleta imyeo kuli Imwe.

222 Kabili, mwe Lesa, twalaya ukunakila kwesu nabu munyina kuli ena, ukula mutungilila konse uko akulaba, mu mapepo, namubwafwilisho, na munshila yonse iyo twinga citilamo. Mupokeleleni, O mwe Lesa, nga fintu twamupela kuli Imwe. Mwi Shina lyakwa Yesu Kristu, u Mwana wakwa Lesa. Ameni. Ameni.

223 Namaboko yenu nayabikwa pa Cebo, kabili palya Munyina Sink, Nakulashika munyina muli Kristu na mwisenge lyesu, mwi Shina lyakwa Yesu Kristu. Ameni. Lesa amipale. Nacilungama. Kabili nolukuta lwacitila, “Ameni.” [Ulukuta lwatila, “Ameni.”—Kale.] Lesa amipale. Muli ifingi ifyakucita mu Mbila nsuma, ifilefwaikwa nganshi, ifwe tuli kunuma yobe wanu andeleti pesenti nafyonse ifyo twinga cita mukwafwilisha. Lesa amipaale.

224 Bushe Ena temusuma ukuba u...Oh, owe! Nalitemwa ukumona umuntu. Ico cisuma. Ena ni, nga fintu Ine nkutulwike nomba, ena eulebula bu kakumba pa Holiness Tabernacle pa Utica, Indiana, kulya uko ena ekala mupepi na palya.

225 Nomba, natumone. Oh, bushe natukwata bena aba bwananyina? Oh, Nincetekela natukwata abalwele abakupepelako abalipo, bushe teifyo? Nacilungama, bushe bena... namupela ifitupa fimo? Nacilungama, natwitepo ifitupa finono mukwangufyana, umuntu onse natale ekalekofye tondolo pakashita. Natucelwa icine cine. Bushe kuti mwampelako ama mineti ikumi? Nacilungama. Ifitupa fyakupepelako, lekeni abantu abakwete ayakupepelako...Mwacibapelela ukufuma pesa, pa wanu?

226 Nacilungama, icitupa ca kupepela ica mpendwa ya umo, iseni kuno, impendwa ya bubili, impendwa ya butatu, impendwa ya bune, impendwa ya busano Ifitupa fya kupepelako wanu, tuu, fili, folo, faifi, iminineni pano pene, mukwangufyanya bwangu, ngefyo mwi ngacita mucita nomba, nga cakuti kuti mwaimininako. Ngateti mucite, ukuba, mutulenge twishibe, twalaisa misenda. Twalabula abengi tweshe tumone. Uwa kubalilapo, uwa cibili—uwa cibili, uwa butatu, uwa bune, uwa busano, mutanda, cine lubali, cine konse konse, pabula, ikumi; mutanda, cine lubali, cine konse konse, pabula, ikumi; kabili babili bemishe pali iyo. Ikumi, ikumi na cimo ikumi na fibili, ikumi na fitatu, ikumi na fine, ikumi na fisano. (Huh?) Bonse pamo, yonse ifitupa fyakupepelako, seleni kuno kuli *ulu* lubali lumbi, beni kuli ulu lubali pano, kuli ulu lubali ngakuti mwacita ico.

227 Oh, bushe Ena tawama? Nomba, umuntu onse ukubafye ifyo fine uwamucinshi ngefyo mwingaba, pama mineti ikumi nomba, pama mineti ikumi fye. Nomba, bonse namakadi yakupepelwapo, twalilanda ukuti “Abantu abalefwaya ukupepelwa, bafwile baisa nefitupa fyakupepelwapo,” kabili

ukuti ifwe tatu. . . Mwamona, pantu bena baletwalililapofye ukulabwela, kabili nomba nokweshwa ukubomfya icabupe cakwa Lesa nge Cafye, lelo tatucita ifyo—tatwacetekela mukucita ico.

²²⁸ Ifwe—ifwe twacetekela mukulekafye Lesa ukucita Umulimo Wakwe. Bushe mulecetekela ico? Nibanga abacetekele iyi Mbila muno lucelo ukuba iya Cine? [Ulukuta lwatila, “Ameni.”—Kale.] Natotela. Natotela. Lesa amipale. Nincetekela Ico nomutima wandi onse, umweo, na mano.

²²⁹ Nomba, cilemoneka kwati nalimo tukwetefye abantu amakumi yasano abakupepelako, icintu cimo icili ngefyo. Nomba, kutikeni. Nomba, cila umo pali imwe muli Kristu. Imwe muli Yesu Kristu, ukucimfya pa malwele yonse. Imwe bonse mwebali mu mulongo wakupepelwa, muli bena Kristu, aba cetekela abafyalwa cipya cipya, imyeniko amaboko yenu. Icifulo cenu nomba ni muli Kristu. Imwe kale mwacimfya, nomba icintufye cimo ico mufwile ukucita nomba kupokelela nokucetekela ico Lesa alanda ukuba Icine.

²³⁰ Tekutifye mbule uyu umulongo nokula lingulula, cena ico kuti caba icacilamo mukucita, ukutusendaela inshita ikalamba. Cena kuli ine tekuti cibe, Nincetekela kuti Ine naikala pano akasuba konse, Ndeumfwafye bwino. Ndeumfwafye bwino. Ninjishiba ukuti Cena e cine. Shikulu Alumbaniwe! Lelo *nomba* tuli muli Kristu, *nomba* twaikala mucifulo bwino muli Kristu. Ameni! Oh, owe! Bushe ifi fintu Mfundile fya Cine? Nga cili ifyo, nomba Ena alaipangila Umwine. Ico nacilungama.

²³¹ Nibanga pali imwe mwe bantu mumulongo wakupepelwa abali abeni kuli ine? Imwe mwebengi nimishiba, lelo bamo pali imwe beni. Imyeniko amaboko yenu, mwebeshibe ukuti Nshishibepo nangu cimo icilubene pamo naimwe, imyeniko amaboko yenu; bonse mweba tanteme ukuya mumulogo, uh-huh, nacilungama. Bushe Ena ni Kristu? Mwacetekela Ico? Mufwile mwakwata icicetekelo, mufwile mwacetekela Cena. Nga cakuti tamucetekele Cena, nomba ninshi tekuti cibombe Cena. Mufwile mwaishiba icifulo cenu, mufwile mwaishiba incende yenu. Bushe ico nacilungama, Munyina West? Ico nacilungama. Ishiba icifulo cobe, Kristu alitulaya ukuti “Ifintu fyonse ifyo Ncita naimwe mukacitako ifyo.” Mwacetekela Ico nomutima wenu onse.

²³² Ulya umuntu wiminine kulya kunuma nakwata icintu cimo icilubene no lutungu lwakwe. Wacetekela Ico nomutima obe onse. Iwe naufilwa nokwiminina mumulongo waba kupepelako, lelo iwe bwelelamo kunuma nokwikalako, cena calafumapo. Kabili tepwalonda ilyo. Bwelelamo kunuma nokwikalako, cena nacipwa. Nshatala monapo uyu muntu mu mweo wandi. Nga tuli beni, munyina, imyako ukuboko kobe. Nga cakutula tuli beni. . . Bwafya nshi, ena naundapwa!

Pakwisa pali cino cipailo, bushe iwe naucetekela?

233 Nga iwe? Tatwaishibana, Ine nshakwishiba iwe. Lesa alikwishiba. Naucetekela ine ukuba umubomfi Wakwe? Walicetekela iyi Mbila intu Nshimikila? Nga cakutila Nakweba iwe ukuti ubwafya bwamunuma yobe bwafuma nokuya? Iwe wacetekela Ico nomutima obe onse? Mr. Burkhart, bwelelamo ku Ohio, naundapwa. Yesu Kristu akuposha.

234 Iwe tawishile pano pabwafya bobo, uli pano palwa muntu umbi. Ena mwanakashi. Naena afumine ku Ohio, pamo, ico nacilungama, ishina lyakwe ni Alice McVan. Ico nacilungama. Aali kwetepo ukubombelwa. Ico nacilungama. Bwafya bwamumala no bwafya bwa canakashi no mwenso. Bushe ico nacilungama? Cetekelafye na ena alapola. Kabiye twalilila nokucetekela Ico nomutima obe onse. Cetekela Ico nomutima obe onse, alapokelela ico.

235 Ulishani? Nshakwishiba iwe, ifwe tuli beni. Bushe ico nacilungama? Naucetekela ukuba umubomfi Wakwe? Naucetekela ukutila twalimfya muli Kristu? Nga cakutila naucetekela, ukutitikishiwa kobe namafya yobe nafyonse ukwete, nomba, Misisi Allen, kuti wabwelelamo ku ng'anda yobe nokuposhiwa.

236 Nincetekela tatwaishibana, tatuli ifyo? Nshatala nkumonapo kunuma. Ino enshita yakubalilapo iyo twakumanapo, tuli beni kuli umo ku munankwe. Bushe naucetekela ine ukuba kasesema Wakwe? Naucetekela ico? Iwe ulecula nobulwele bwamfyo. Ico nacilungama, teifyo? Iwe tauli wakuno, wafuma ku Masamba. Ulepepelako abana bobo abashapusuka. Uyo uuli kunuma yobe mulume obe. Nakwata umuntu pa mutima wakwe untu alepepelako muno lucelo, ni cibusa. Ndetila, Namona umuntu umo iwe—iwe uli cibusa waba nyina naba wishu. Umuntu uwaisa pano uwitwa L. C. nangu S. T., nangu icintu cimo kwati ngefyo, S. T. nangu icintu cimo, uyo—uyo wine mwana obe. [Munyina Neville atila, “J. T.”—Kale.] J. T. . . Mwaishiba imwe, S. T. Iyo, teuyo J. T., Ninjishiba. Ena munonoko, umuntu wa mutwe-wafita, Nimumona eminine pano pene kuntanshi eko aali ena nomba. Bwelela ku ng'anda, naupokelela icakwipusha cobe. Bwelelamo ku ng'anda.

237 Bushe ulya muntu ali pano muno lucelo, umuntu ulya uwafuma kulya ku Georgia? Ee. T. S. Ee. Nshatala monapo ba wiso naba noko mu mweo wandi, naiwe nawishiba ukuti ico e cine, lelo Namona iwe wamonekela, pano pene kuli bena nomba linefye. Nacishiba cena caciba. Naupokelela icakwipusha cobe, witwishika.

238 Imwe bonse namucetekela, ne mitima yenu yonse? Nomba, nibanga? Cila umo pali imwe bonse muli Kristu. Mwatila, “Bushe iyo ni Mbila nsuma?” Ico cili bwino bwinofye ico Yesu Kristu acitile. Ico eco mukulungatana fye na batumwa

bacitile. Ico cili mukulungatanafye neco Irenaeus nabashala bonse bacitile. Ico cili mukulungatana.

Mwacetekela Ico? Nomba kontamiken i mitwe yenu.

²³⁹ Isa kuno we mukalamba. Nabafula nganshi abantu abakupitamo muli uyu umulongo kwati ngefi. Natubulamo yabili nangu yatatu mulya. Isa pano pene. Uyu Munyina Neville uwandi mubomfi wakwa Lesa. Nalicetekela ico.

²⁴⁰ Twalapita muli uyu mulongo pano nokupepelako aba bantu, ukubika amaboko pali bena. Bushe bonse namucetekela mwalapola, cila umo pali imwe? Umuntu onse muno uwala cetekela pali Ico? Nomba kontekeni i mitwe yenu, tuli mu Chalichi icakucimfya.

²⁴¹ Shikulu Yesu, Nimwishiba uyu munyina, emulandu wine Nshacilandilapo nangu cimo pali ena palwa ico. Ninjishiba ico alefwaya. Napepa ukutula Mumundape, Shikulu, nokumupela icakwipusha cakwe. Mwi Shina lyakwa Yesu Kristu.

²⁴² Taata wamu Myuulu, namaboko yesu ayabikwa pali uyu munyina umunono, muno lucelo, twaipusha mwi Shina lyakwa Yesu pakulubulwa kwakwe. Ameni.

²⁴³ Oh, imwe mwaba . . .

Taata uwamu Myuulu, peleni kuli Nkashi yesu Dauch pano, nkashi uwatemwikwa, uwaba cibusa umwine mwine pano, kulupwa lwandi nakubatemwikwa besu. Twacetekela ukutula ena nomulume wakwe bana Benu. Napepa, mwe Lesa, ukutula Mwalafikilisha icakwipusha cakwe kuli ena muno lucelo. Mwi Shina lyakwa Yesu Kristu. Ameni.

²⁴⁴ Lesa wesu, mwi Shina lyakwa Yesu, paleni Nkashi yesu Bruce. Twalishiba, mwe Shikulu, ukutula ena mubomfi Wenu. Twapepa ukutula Imwe mwalamupela ena—ena icakwipusha. Mwi Shina lyakwa Yesu Kristu. Ameni.

²⁴⁵ O Taata mweba mu Myuulu, ukwiluka ukuti—ukutula Imwe mweka nimwe mwingondapa Nkashi Blankco, twapepa ukuti Mwalamupala ena nokufikilisha ici icakwipusha kuli ena, Shikulu. Mwi Shina lyakwa Yesu Kristu. Ameni.

²⁴⁶ Taata uwamu Myuulu, pali uyu nkashi yesu twabika amaboko yesu mwi Shina lyakwa Yesu Kristu, kukwipusha ukulubulwa kwakwe kubukata Bwenu. Ameni.

²⁴⁷ “Ifi ifishibilo fikakonka bena abo abacetekela,” kabili twabika amaboko yesu pali uyu nkashi uwalapola. Mwi Shina lyakwa Yesu, fikilisheni ico, Shikulu. Ilyo uyu umwensu, ukututuma kwamubili, ukwiminina pano, Shikulu, ukuba pesamba lyakupuma kwa Mupashi wa Mushilo, kabili ukuba uwanaka, lelo Imwe muli Lesa. Undapeni uyu umwanakashi umusepela, Napepa, mwi Shina lyakwa Yesu.

248 Lesa Uwamaka yonse, peleni kuli munyina wesu icakwipusha cakwe. Cifikilisheni ico, Taata. Twabika amaboko yesu pali ena nokukalipila umulwani, uyo uubikile sumu mu mweo wakwe, nangu ukwikala u—ukukana mona kuntanshi yakwe. Lekeneni eme nokucimfya pali ico muno lucelo, Shikulu, kabili nokwishiba icifulo cakwe muli Yesu Kristu. Kabili eico ena alapokelela ico epwishepo mwi Shina lyakwa Yesu.

249 Taata Wesu uwamu Myuulu, namaboko yesu ayabikwa pali uyu munyina wesu mwi Shina lyakwa Yesu Kristu, fikilisheni icakwipusha cakwe. Amen.

250 Uyu umutemwikwa umukashana munono, Taata, mwi Shina lyakwa Yesu lekeni Shikulu abe uwaluse, ku Bukata bwakwa Lesa twaipusha ukulubulwa kwakwe.

251 Lesa wesu, natwishiba umutima ulelila muli uyu nyina kabili nokulila ukwapa mwana wakwe umwanakashi. Lesa, fikilisheni paci cetekelo cakwe muno lucelo, kabili ciciteni ico nomba line, ukwishiba ukuti ena nakwata amaka pali cena. Kabili calacitwa, mwi Shina lyakwa Yesu Kristu.

252 Lesa wesu, undapeni uyu umulumendo munono, twapepa mwi Shina lyakwa Yesu Kristu.

253 Lesa wesu, Taata wesu, twabika amaboko pali uyu nkashi yesu nokwipusha muno lucelo ukuti Mufikilishu kucakwipusha cakwe. Mwi Shina lyakwa Yesu Kristu. Amen.

254 Mwe Taata wesu uwamu Myuulu, nga fintu uyu namayo munono aisa mukubula incende yakwe iyabundapishi, twabika amaboko pali ena nokwipusha pabundapishi bwakwe. Mwi Shina lyakwa Yesu Kristu. Amen.

255 Pali uyu umutemwikwa umwana munono twabika amaboko yesu pali ena, mwi Shina lyakwa Yesu Kristu, ukwipusha pabundapishi bwakwe.

256 Ukupitila mwi Shina lyakwa Yesu Kristu, namaboko yesu pali nkashi yesu, lekeni Mumundape ena nomba.

257 Taata Wesu, Mwebaba mu Muulu, i Shina Lyenu licindikwe, pali uyu umulumendo twabikapo amaboko yesu. Mwi Shina lyakwa Yesu Kristu, lekeni ena acetekela Ico. Amen.

258 Taata uwamu Myuulu, pali uyu munyina wesu uwabulamba pano, Shikulu, umubomfi Wenu, umubomfi wakwa Lesa, twabika amaboko yesu pali ena ukuti icakwipusha cakwe cifikilishiwe. Mwi Shina lyakwa Yesu Kristu lekeni ena abule icifulo cakwe nomba. Nomba, pano pali umwana wakwa Lesa, munshita iyabukata umo ifwe bonse tulepelekesha.

259 Taata uwamu Myuulu, pali uyu nkashi yesu umunono uyu uufumine mumfifi nganshi nokwisaenda mu Lubuuto, fikilisheni, Shikulu, ukutila umweo wakwe uunono uwabulamba walasumbulwa pamuulu muno lucelo, ukuya mumibele yamu

Myuulu. Kabili mupeni ena—ena icakwipusha cakwe, mwi Shina lyakwa Yesu. Amen.

²⁶⁰ Taata wesu uwamu Myuulu, pali uyu munyina wesu pano twabikapo amaboko mwi Shina lyakwa Shikulu Yesu, ukwipusha ici icakwipusha ukutula cifikilishiwe pali ena. Mwi Shina lyakwa Shikulu Yesu Kristu. Amen.

²⁶¹ Taata Wesu uwamu Myuulu, twabika amaboko yesu pa mwana wakwa Nkashi, nokwipusha ukutula ukukabila kwakwe kupelwe kuli ena, Taata, ilyo tulebika amaboko yesu pali ena mwi Shina lyakwa Yesu Kristu.

²⁶² Taata Wesu uwamu Myuulu, twabika amaboko yesu pali nkashi yesu, mwi Shina lyakwa Yesu Kristu. lekeni ukukabila kwakwe kupelwe, mwi Shina lyakwa Yesu Kristu. Amen.

²⁶³ Taata Wesu uwamu Myuulu, ilyo nkashi yesu alepita muli uyu umulongo nokuleka...twabika amaboko yesu pali ena, lekeno Kristu wakwa Lesa ese mupepi nomba nokususha ubwafya nokumulenga abe bwino. Amen.

²⁶⁴ Taata wamu Myuulu, pali ndume yesu, twabika amaboko pali ena nokwipusha cilya mwi Shina lyakwa Yesu Kristu, ukutula Mwala mundapa mwi Shina lyakwa Yesu. Amen.

²⁶⁵ Taata wamu Myuulu, pali uyu umukashana twabika amaboko yesu, nokwipusha Shikulu wesu umusuma. Mwi Shina lyakwa Yesu Kristu, twaipusha ubundapishi bwakwe. Amen.

²⁶⁶ Shikulu Wesu umusuma, twabika amaboko pali ndume yesu, mwi Shina lya Mwana wakwa Lesa, Yesu Kristu, Fwebali abacila pali bakacimfya ukupitila muli Ena. Kabili tuleipusha ukutula kuti Mwapela munyinefwe ukwipusha kwakwe, mwi Shina lyakwa Yesu. Amen.

²⁶⁷ Mwe Taata, pali kafwa wakwa munyina, uyu mushilika umunono uwa Lupanda, Napepa, Lesa, ukutula u Mupashi Wenu wise pali ena nokupela ukukabila kwakwe. Mwi Shina lyakwa Yesu Kristu. Amen.

²⁶⁸ Taata Wesu uwamu Myuulu, pali uyu umushilika wabulamba uwa Lupanda, aliminina pa Cebo Cenu mu—mu nshita shakusushiwa nafimbipo, kabili cibe ifyo aliminina pa Cebo, ukwenda ukucila napali bakacimfya muli Kristu Yesu. Peleni kuli ena ukwipusha kwakwe, Taata. Napepa ipepo lyandi nokumupela ukufuma kwipalo Lyenu, Shikulu, ukutula Mwalamundapa nokumupela ukwipusha kwakwe. Mwi Shina lyakwa Yesu. Amen.

²⁶⁹ Taata wamu Myuulu, uyu mwana teti ekale kunse yakwa Lesa, lelo Lesa kuti amulenga ukuba bwino. Nabika amaboko pali ena nokususha umulwani, mwi Shina lyakwa Yesu Kristu. Paaleni umwana, kabili Mwinga mwafwilisha ukutunguluka mwi Shina lyakwa Yesu Kristu. Amen. Ukucila pali ba kacimfya.

270 Taata wama Myuulu, kuli nkashi yesu, uo twacibikapo amaboko mwi Shina lyakwa Yesu Kristu, ihema ilyacimfya ilyakwa Lesa ukupangwa umubili nokwikala pakati kesu. Leken i ukupitila mwi Shina Lyakwe, i Shina lyalungama ilya ulya u Mwana wakwa Lesa, Yesu Kristu, mupele nkashi yesu ukulomba kwakwe. Amen i.

271 Nkashi yesu Kidd, Apaale umutima obe. Taata Wesu uwamu Myuulu, ilyo Ndeikata uyu umukalamba umwaume no mwanakashi mu maboko yesu pano, uwashimikila i Mbila nsuma ilyo Nalifye umulumendo umunono, inshiku ishinono ishapitapo ali mupepi nokufwa ne pwalonda; ukubutukila mukumusenda, namaka yakwa Lesa yapyangile pa muntu nemyaka-amakumi cine konse konse nokumundapa, mpaka ba dokota baikela tondolo kucipeshamano, bafililwe ukucumfwikisha. Ndepepa ukutila Mwalapela ukukabila kwakwe luno ulucelo. Uwapaalwa umukashi wakwe munono, Shikulu, uyo uwabomba apakalamba ku kutuma umulumu wakwe ku bu pyungishi muku shimikila iyi—iyi Mbila nsuma iya Mulopa wakwa Yesu Kristu. Peleni ici, Shikulu.

272 Paaleni umwana wabo, Junior, Shikulu. Twapepa ukutila Mwalumulenga ukuba bwino nokumusunga uwakosa, Shikulu. Eubatungilila ukubensha ukufuma kuncende ukuya kuncende, muku bika ututambala. Nangula bali abakota nganshi teti baye mwibala nakabili, lelo balaya ukufuma ku cipatala ukuya kumayanda, balebika ututambala pabalwele. Lesa, Muli nokucindika ico, Ninjishiba Muli nokucicita. Bapaleni nokubapela amaka yanshiku ishing i, Taata. Mwi Shina lyakwa Yesu Kristu. Amen i.

273 Amipaale. Cili nokucitwa, Munyina Kidd, cili nokucitwa. [Munyina na Nkashi Kidd balanda kuli Munyina Branham—Kale.] Lesa Alumbwe. Amen i. Ee, ulya umo uo twacipepelako pali lamy a.

274 Umwaume no mwanakashi aba myaka amakumi cine konse konse nokupita, tekuti baye mwibala kabili nokwiminina kucintamba, uwakota nganshi pali ino nshita ukushimikila ngefyo, lelo bacili balesa kuno nokusenda ifipe fya tusalu twakupelwa kabili ukutwala ku balwele na balecutika, ukutwala kufipatala na fyonse ifyaba ngefyo. Ukubika pali . . . Teti baye nomb a kuns e kulya mukutungilila ubupyungishi muli ilya nshila, lelo balatwalilila fye mufisuma ifyo bengacita. Cifwile ukulenga ifwe fwebaice ukumfwa insoni palwesu fweka. Ico nacilungama, ukucitila icintu cimo Kristu.

275 Ibukisheni, uyu muntu umukalamba pano, Munyina Kidd, aleshimikila i Mbila nsuma ilyo Nshilafyalwa. Ico cishinka, kuns e kulya ukupepela abalwele, umushilika uwa kale uwashipa. Kabili pano, uwakota, uli nemyaka inga, Munyina Kidd? Imyaka ya kufyalwa amakumi cine konse konse, acili

aleya ku Bufumu bwakwa Lesa! Uwakota nganshi ukwiminina mu cintamba no kwikatilila imbila nga filya, lelo alaya ku cipatala, kumbali shama sanshi, uko akwata umulumendo uumwensha ukumushingulusha muli motoka. Kabili teti bende, eico bamwenshafye muli motoka nokubatwala ku cifulo, kabili balya babili, abaupana abakote, balaya mulya no kubika akatambala.

²⁷⁶ Balikwete umutemwikwa mupepifye nokufwa ubushiku bumbi, umukashana, balenshimikila kofye palwa ico. Twalibapepeleko, umwishikulu, aile nokusendama . . . Umwana naima nombamba. Lesa Alumbwe!

²⁷⁷ Munyina Kidd, balinjitile kuno inshita imo akale, nalimo imyaka ibili iyapitapo, Nde elenganya, eflyo cili, ukutila ena alikwete ipwalonda ku bwaume, nalimo imyaka ya kufyalwa amakumi cine lubali na cine konse konse, nangu amakumi cine konse konse, ukupalama ku myaka ya kufyalwa amakumi cine konse kons3, ne pwalonda ku bwaume. Dokota acibikile fye kunuma, tapali nangu cimo icali nokucitwa. Twali angufyenye, Billy na Ine twalecinjanya ukwensha, pakufika kulya uko ali. Kabili Mupashi wa Mushilo atwebele ukuya lulyo lucelo. Ifwe ilingi line tatucicita kanofye twatungululwa ukucicita. Kabili Mupashi wa Mushilo atiile, “Kabiyeni,” kabili twaile kulya nokubika amaboko pali cibusa umukote, ukumupepelako. Kabili ba doctor tekuti basange icilangililo ca cilya ukuli konse. Ubukata kuli Lesa! Oh! Mulandu inshi? Icifulo cesu ni muli Kristu Yesu, aninine ukucila amalwele yonse na maka ya mulwani.

²⁷⁸ Owe, bushe tamuli abansansa pali Ena?

Kwaliba abantu mupepifye na konse,
Abo imitima yabo yaba iyabilima
No Mulilo uyu uwa ponene pa Pentecosti,
Uwasangulwile no kubalenga ubusaka;
Oh, Ulebilima nombamba mu mutima wandi,
Oh, ubukata kwi Shina Lyakwe!
Ndi uwa nsansa nganshi kuti Nasosa Ndi umo
pali bena.

Ndi umo pali bena, umo pali bena,
Ndi uwansansa nganshi ukutila kuti Nasosa
Ndi umo pali bena;
Umo pali bena, umo pali bena,
Ndi uwa nsansa nganshi kuti Nasosa Ndi umo
pali bena.

Nangula aba bantu tekuti basambilile ukuba,
Nangu ukuyumfwa pa lulumbi lwafya mwi
sonde,

Bena bonse balipokelela Pentecosti yabo,
Balibatishiwa mwi Shina lyakwa Yesu;
Kabili baleeba nomba, bonse abakutali na
mubwipi,
Amaka yakwe yaba cimo cine na nomba,
Ndi uwa nsansa nganshi kuti Nasosa Ndi umo
pali bena.

279 Ni banga abali umo pali bena? Imyeni amaboko yenu nomba.

. . . bena, umo pali bena,
Ndi uwansansa nganshi ukutila kuti Nasosa
ukuti Ndi umo pali bena;
Oh, umo pali bena, umo pali bena,
Ndi uwa nsansa nganshi kuti Nasosa ukuti Ndi
umo uwa bena.

Nomba isa, munyinane, fwaya ili ipaalo
Ili kawamya umutima obe ukufuma
kulubembu,
Ilili no kutendeka inyenjele-shansansa ukulila
Kabili ukusunga umweo obe uwabilima;
Oh, ulebilima nomba mu mutima wandi,
Ubukata kwi Shina Lyakwe,
Ndi uwa nsansa nganshi kuti Nasosa ukutila
Ndi umo pali bena.

Ndi umo pali bena, umo pali bena,
Ndi uwansansa nganshi ukutila kuti Nasosa
Ndi umo pali bena; (Alleluya!)
Umo pali bena, umo pali bena,
Ndi uwa nsansa nganshi kuti Nasosa ukutila
Ndi umo pali bena.

Balongene mumuputule wapa mulu,
Bonse balepepa mwi Shina Lyakwe,
Bena balibatishiwe na Mupashi wa Mushilo,
Nomba amaka yamulimo yaishile;
Nomba ifyo Ena abacitile bulya bushiku
Ali nokucita cimo cine kuli iwe,
Kabili Ndi uwansansa nganshi kuti Nasosa
ukutila Ndi umo pali bena.

Ndi umo pali bena, umo pali bena,
Ndi uwansansa nganshi kuti Nasosa ukutila
Ndi umo pali bena; (Alleluya!)
Umo pali bena, umo pali bena,
Oh, Ndi uwansansa nganshi kuti Nasosa
ukutila Ndi umo pali bena.

280 Nomba ilyo tulelung'wing'intu, lekeni tuposhanye mu minwe
umo no munankwe. Tileni:

Umo pali bena, umo pali bena,
 Ndi uwansansa nganshi kuti Nasosa ukutila
 Ndi umo pali bena; (Alleluya!)
 Umo pali bena, umo pali bena,
 Ndi uwa nsansa nganshi kuti Nasosa ukutila
 Ndi umo pali bena.

²⁸¹ Bushe tamuli? Tileni, “Ameni!” [Ulukuta Iwatila,
 “Ameni!”—Kale.]

Ndi umo pali bena, umo pali bena,
 Ndi uwansansa nganshi kuti Nasosa ukutila
 Ndi umo pali bena;
 Umo pali bena, umo pali bena,
 Ndi uwa nsansa nganshi kuti Nasosa ukutila
 Ndi umo pali bena.

²⁸² Bushe kuti Naimba iyi versi imo nakabili?

Nangula aba bantu tekuti basambilile
 ukuba, (Tabakwata iyili yonse iikalamba
 D.D., Ph.D.’s, mulemona, tabakwata ifintu
 ifikalamba, mulemona.)

Aba bantu limbi tekuti basambilile ukuba,
 Nangula ukuyumfwa palulumbi lwesonde,
 (Akabungwe kamo akakalamba.)

Bena bonse balipokelela Pentecosti yabo,
 Cila umo muli bena alibatishiwa mwi Shina
 lyakwa Yesu;

Kabili baleeba nomba bonse babili abakutali
 na mubwipi,

Amaka yakwe yaba cimo cine na nomba,
 Ndi uwa nsansa nganshi kuti Nasosa ukutila
 Ndi umo pali bena.

Umo pali bena, umo pali bena,
 Ndi uwansansa nganshi ukutila kuti Nasosa
 ukutila Ndi umo pali bena;

Ndi umo pali bena, umo pali bena,
 Ndi uwa nsansa nganshi kuti Nasosa ukutila
 Ndi umo pali bena.

Oh, tecabonse aba pesonde ba golide wama
 millioni

Bushe kuti Nasha ino ncende iyawama,
 Nangula katunka ali . . . enganjeba imiku iingi
 ala njesha,

Lelo Ndi uwacingililwa mu mansa yakwa Lesa,
 Uwansansa mukutemwa Kwakwe
 nokusenamina,

Kabili Ndeikala kulubali lwa kwa Alleluya!

²⁸³ Oh, owe! Ndi nensansa palwa ico. Bushe imwe tamuli
 nasho? Bushe tamuli imwe nensansa ukuba umo pali bena?

Umofye pali bena, umo pali bena abantu baicefya abo aba ifumyamo abene palwabo, abesa (teku kalubi), lelo kuli Lesa wa mweo, (teku kabungwe ukubika ishina lyobe mwi buuku), nikuli Lesa wa mweo, (tekusungila isambilisho), lelo ukuleka i Cebo ukuba umubili muli iwe. Mwamona, eflyo cifwile ukuba. Kabili ukuicefya wemwine, kabili nomba ukupitila muli ico Akusumbwile iwe ukucilapo, (tekwymya umutwe, amatontonkanyo yabikwa pambi, ukulanda “Ine naba *ici, cilya* nangu *cimbi*”), lelo ni mukuicefya, ubusuma, kabili “nimu musango nshi Ena apuswishemo ne cisasa nga ine, kabili ni mumusango nshi Acitilemo ico?” Iyo enshila umwina Kristu wine wine omfwilamo. Tawacetekela cilya? Oh, Ena aba uwa cine nganshi!

Wacine, wacine, Ena eflyo aba uwacine kuli ine!
Oh, uwacine, uwacine, Ena eflyo aba uwacine
kuli ine!

Nangula abantu bamo Bamutwishika, Ine
tekuti njikale ukwabula Ena,
Eco emulandu Namutemenwa Ena, kabili Ena
aba uwacine kuli ine!

Uwa cine, Aba uwa cine nganshi kuli ine!

Lwimbeni lwena!

Uwa cine, uwacine, Ena aba uwa cine nganshi
kuli ine!

Nangula abantu bamo bamutwishika Ena, lelo
Ine tekuti njikale ukwabula Ena,

Uyo wine emulandu Namutemenwa Ena,
kabili Aba uwacine kuli ine!

²⁸⁴ Oh, Ndi uwansansa nganshi pali ico! Ee, mukwai. Oh, Ndi uwansansa nganshi pali *ici icikalamba inshila ya Mbila nsuma iyakale*, ukwikala muli iyi nshila ya Mbila nsuma iyakale iyabukata.

²⁸⁵ Nomba, mwe fibusa, mpaka, tukakumane pa Cipuna cakwa Kristu nakabili, lintu mulepepa, mulenjibukishako ine. Kabili Lesa amipale imwe bonse cila umo. Ndi. . . Tekuti nande ukuti Mumbeleko uluse Namisunga pa nshita itali pano.

²⁸⁶ Nomba, kuli mwebakwete ututambala twenu utubikilwe pano, Nacibikapofye amaboko pali twena ilyo twacilapapelako abalwele, nga cakuti mwacimona ine nacilacita ico lilya line fye u Mupashi wacuma. Nshacingilamo mu fimonwa ifingi, pantu Ninaka, ukunaka, namwishiba, ukuba pano pama ora yabili nangu yatatu nomba, ukulashimikilafye, kabili Nacitampafye ukubula abanono ukulungama mu mulongo pakutula imwe mwamona ukuti Lesa ni Lesa. Mwamona? Ifishinga citwa, ifya sulwa, ifishinga suminishanya, ukutula ifintu tekuti bafifwailishe. . . Ciwa. . .

²⁸⁷ Nomba, ibukisheni, cilaumo pali imwe alikwata amaka muli Kristu. Imwe tamwakwata amaka, mwakwatafye *insambu*, insambu shenu. Imwe musumbulwafye, ukuya pamuuulu; tekuisumbula mwe bene pamuulu palwenu, lelo Kristu ewa sumbula imwe pamuulu. Kristu nga Amisumbula imwe pamuulu ukucilapo, elyo apatatali imwe muli nokuilinganya, mwamona, muli nokumfwa abaicefya nganshi. Eico kuti Ena apususha shani icisasa kwati nine, nimu musango nshi Ena acitilemo ico? Lelo Ena acitile ico, kabili Ine ndetotela pali ico. Ameni! Icisuma nganshi!

Uku kontama pe Shina lyakwa Yesu,
 Ukuwa ubunkupeme pa makasa Yakwe,
 Imfumu yasha mfumu mu Muulu tuli no
 kumufwika Icilongwe,
 Lintu ubulendo bwesu nabupwa.

Ishina Lisuma, (Ishina Lisuma!) Ifyo lya
 wama!

Isubilo lya panshi ne nsansa shamu Muulu;
 Ishina Lisuma, (Oh, Ishina lisuma! Bushe Taba
 umusuma?)

Isubilo lya panshi ne nsansa shamu Muulu.

²⁸⁸ Nomba, kutikeni, mwilaba ici, imbeni versi yapakati, lekeni nyimbe versi yaluko. Mwamona? Nshishibe nga cakuti Ninjishiba na versi Ndefwaya ukwimba yena iyaluko, ecala konkapo.

Ukukontama pe Shina lyakwa Yesu,
 Ukuwa ubunkupeme pa makasa Yakwe,
 Imfumu yasha mfumu mu Muulu tuli no ku
 Mufwika icilongwe,
 Lintu ubulendo bwesu nabupwa. (Mwamona?)

Bula i Shina lyakwa Yesu pamo naiwe,
 Nge Nkwela ku citeyo conse;
 Lintu ifya kwesha fyakushinguluka,
 Sosafye lilya i Shina lya Mushilo mwi pepo.

Epelafye. Imyako pa muulu uko ukuboko kabili kutika kuma breki ifyo yaleshelela! Mwamona? Mwamona?

Sosa lilya i Shina lya Mushilo mwi pepo.

Ishina Lisuma, O ifyo lyawama!
 Isubilo lya panshi ne nsansa shamu Muulu;
 Ishina Lisuma, (Oh, i Shina lisuma!) O ifyo
 lyawama!

Isubilo lya panshi ne nsansa shamu Muulu.

²⁸⁹ Natulande ico nakabili, bonse ifwe capamo. Mwalatila shani? Natwimbe ilya versi nakabili, ululetila, “Bula i Shina lyakwa Yesu pamo naiwe, nge Nkwela ku citeyo conse.” Natwimbe lwena ninshi natwisalako na menso yesu.

Bula i Shina lyakwa Yesu pamo naiwe,
 Nge Nkwela ku citeyo conse; (Nomba kutikeni.
 Cinshi twalacita?)
 Lintu ifya kwesha fyaku shinguluka, (Ufwile
 wacita cinshi?)
 Sosa lilya i Shina lya Mushilo mwi pepo.
 Ishina Lisuma, (Ishina Lisuma!) (O ifyo
 lyawama!)
 Isubilo lya panshi ne . . .

[Munyina Neville alanda kuli Munyina Branham—Kale.]
 (Nshile. Iyo, Ndi—Ndi uwasasala panono, Nde sasalako panono,
 eico Nshalande . . . ? . . . Ulefwaya utusalanganye . . . ? . . . Iyo,
 cena cilifye icalungama, iwe twalililapo, ico cili bwino.)

Isubilo lya panshi ne . . .

Munyina Neville, kakumba wenu, nomba.



UBWINA KRISTU UKULWISHANYA NOKUPEPA UTULUBI BEM61-1217
(Christianity Versus Idolatry)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, mu Mupundu-milimo pa 17, 1961, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org